


續資治通鑑


百九十九之二百二



		二	漢
	一	一	書
	三	七	門
六	九	五	
四	二	五	
冊	架	函	類

內閣文庫			
三		二	漢
八		一	書
五		七	
函	六	五	
	四	五	
三	冊	架	類

內閣文庫	
番號	漢 2175
冊數	61 (59)
函號	285 9



續資治通鑑卷第一百九十九

遷去第兵部尚書兼都察院右都御史總督湖北湖南等處地方軍務兼理糧餉等事都尉畢四繼

元紀十七

起旃蒙單闕四月盡著雍敦牂十二月凡三年有奇

仁宗聖文欽孝皇帝

漢章文庫

延祐二年夏四月戊寅朔日有會之 辛巳賜進士恩



榮宴於翰林院 辛丑賜會試下第舉人七十以上從

七流官致仕六十以上府州教授餘竝授山長學正後

勿援例 敕諸王分地仍以流官為達嚕噶齊各位所

辟為副達嚕噶齊 命李孟等類集本朝條格俟成書

聞奏頒行 乙巳帝如上都 宣徽院以供尙膳遣人



括民以民自新法  
行以後以道進之元高  
書省奸人等以此  
為先務利害昭然  
近事也而本行以  
誦履

獵于歸德敕以其擾民罷之 自特們德爾舊作鐵木迭兒今改

定括田之議遣人分行各省苛急煩擾江西為甚是月

贛州民蔡五九聚眾佗亂遠近騷動攷異元史本紀佗七月蔡五九佗亂

今從經世大典作四月 五月戊申朔改給各道廉訪

司銀印 復立陝西諸道行御史臺 乙丑秦州成紀

縣山移是夜疾風電雹北山南移至夕河川次日再移

平地突出土阜高者二三丈陷沒民居敕遣官覈驗賑

恤監察御史馬祖常言山不動之物今之動者由在野

有當用不用之賢在官有當言不言之佞故致然耳

甲戌加授宦者中尙卿續元暉昭文館大學士 六月

戊戌河決鄭州 辛丑以濟寧益都亢旱汰省衛士芻

粟 贛州賊蔡五九圍寧都焚四關戕趙同知分掠郡

邑 秋七月乙卯遣兵捕討蔡五九 甲子江南湖廣

道奉使溫迪罕言廉訪使公田多取民租宜復舊制從

之 癸酉命特們德爾總宣政院事 是月畿內大雨

澧州昌平香河寶坻等縣水沒民田廬 八月丙戌官

軍擊蔡五九寧都圍解五九益修攻具招集失業之民

勢益張遂陷汀州寧化縣僭稱王號遣江浙行省平章

章律等率兵討之 巳丑帝至自上都 乙未臺臣言

蔡五九之變皆由簡智密鼎經理田糧與郡縣橫加酷

暴逼抑至此新豐一縣撤民廬千九百區夷墓揚骨虛張頃畝流毒居民請罷經理及冒括田租時臺臣不敢斥言特們德爾建議之非但言有司奉行不善帝悟其弊命罷其役詔下民大悅由是五九之勢漸衰王寅增國子生百員歲貢伴讀四員詔江浙行省印農桑輯要萬部頒降有司遵守勸課旌表貴州達嚕噶齊相元孫妻死節監察御史納琳言事忤旨帝怒叵測中丞楊多爾濟救之一日至八九奏曰臣非愛納琳誠不願陛下有殺御史之名帝曰爲卿宥之可左遷昌平令多爾濟曰以御史宰京邑無不可者但以言事而得

左遷恐後之來者用是爲戒不復言矣帝不允後數日帝讀貞觀政要多爾濟侍側帝顧謂曰魏徵古之遺直也朕安得用之對曰直由太宗太宗不聽徵雖直將焉用之帝笑曰卿意在納琳耶當赦之以成爾直有上書論朝政闕失面觸宰相宰相怒將取旨殺之多爾濟曰詔書云言雖不當無罪今若此何以示信天下果誅之臣亦負其職矣帝悟釋之於是特加昭文館大學士榮祿大夫以旌其直時位一品者多乘間邀王爵贈先世或謂多爾濟可援例以請多爾濟曰家世寒微幸際遇至此已懼弗稱尙敢多求乎且我爲之何以風勵僥

倖者乎 九月丁未章律以括田逼死九人敕吏部尙書王居仁等鞠之 壬戌蔡五九眾潰伏誅餘黨悉平賞軍士討捕功并官死事者子孫 參知政事趙世延居中書二十月遷御史中丞詔省臣自平章以下相率送之官其禮前所無有由是爲權臣所忌乃用皇太后旨出世延爲雲南行省右丞陸辭帝特命仍還臺爲中丞 冬十月庚辰以淮西廉訪使郭貫爲中書參知政事 乙未授白雲宗主沈明仁榮祿大夫司空 丁酉加授特們德爾太師 十一月丙午客星變爲彗犯紫微垣歷軫至壁十五宿辛未以星變赦天下減免各路

差稅有差丞相哈克繖等乞避位帝曰此朕之愆豈卿等所致其復乃職苟政有過差毋憚於改又凡可以安百姓者當悉言之庶上下交修天變可弭也 遼東肅政廉訪使尉遲德誠上疏言事其略曰勞諸王以懷其心防出入以嚴宮禁正諫官以遠讒佞崇科目以求人才立常平以備荒年汰僧道以寬民力舉賢良以勵忠孝抑奢侈以厚風俗及拯鈔法裁冗官等事不報德誠尋卒 甲戌封武宗子和實拉爲周王出鎮雲南初武宗立帝爲太子命以次傳位於和實拉已而丞相三寶努復勸武宗立其子旣乃以哈喇托克托言而止至是

議立太子特們德爾欲固位取寵乃請立皇子碩迪巴

拉舊倫碩德又與太后幸臣實勒們舊倫什烈譖和實

拉於兩宮遂有是命又譖哈喇托克托為武帝舊臣詔

逮至京師居數日綽和爾實勒們傳兩宮旨諭托克托

曰初疑汝親于所事故召汝今察汝無它其復還鎮托

克托入謝太后曰臣雖被先帝知遇而受太后及今上

恩不為不淡豈敢昧所自乎未幾遷江西行省左丞相

十二月庚寅增置平江路行用庫癸巳命省臣定

擬封贈通例俾高下適宜以聞旌表汀州寧化縣民

賴祿孫孝行蔡五九之亂祿孫負其母挈其妻隨眾入

山避之盜至眾散走祿孫守母不去盜將刃其母祿孫

以身翼蔽曰寧殺我勿傷吾母時母病渴覓水不得祿

孫含唾嚙之盜相顧駭嘆不忍害反取水與之有掠其

妻去者眾責之曰柰何辱孝子婦使歸之事聞賜旌表

朝廷以吏多滯事責曹案不如程者令下刑部尙書

謝讓曰刑獄非錢穀銓選之比寬以歲月尙慮失實豈

可律以常法乎乃入白宰相由是刑曹獨得不責稽遲

延祐三年春正月乙巳賑漢陽路飢丙午增置晉王

府屬官以真定保定瀋飢禁畋獵改直沽為海津

鎮二月丁丑調海口屯儲漢軍隸臨清運糧萬戶府

以供轉漕 戊寅賑河間等處飢 庚寅彗滅自去年

十一月丙午始見至是乃滅凡百有五日 壬子敕衛

輝昌平守臣修殷比干唐狄仁傑祠歲時致祭攷異元

四月壬午潛研堂跋云元敕封太師忠烈公殷比干廟碑倫季春王子當以碑為正也今從之 三

月甲寅敕中書右丞蕭拜珠及陝西四川省臣各一員

護送周王和實拉之雲南置周王常侍府官屬以遙授

中書左丞相圖古勒大司徒鄂爾多中政使尙家努山

北遼陽等路蒙古軍萬戶博囉翰林侍講學士嘉琿等

竝常侍中衛親軍都指揮使唐古兵部尙書賽罕巴圖

魯為中尉仍置諮議記室各二員遣就鎮 癸亥帝如

上都 壬申鷹坊博囉等擾民於大同敕拘還所奉璽

書 禁天下春時田獵初議犯者抵死左司郎中韓若

愚曰齊宣王之囿方四十里殺其麋鹿者如殺人之罪

孟子非之眾以為然遂減其刑 太史令郭守敬卒於

位年八十六守敬歷數儀象之學竝為時用其尤濟時

者為水利之學決金口以下西山之楛而京師財用饒

復三白渠以溉瀕河之地而靈夏軍儲足引汶泗以接

江淮之派而燕吳漕運通建斗牖以開白浮之源而公

私陸費省其在西夏嘗挽舟溯流而上究所謂河源者

又嘗自孟門以東循黃河故道縱廣數百里間皆為測

今人知守敬之役時原  
如其治水之債昭著如  
此其所建諸百無二夫  
以利害者役患斯民視  
則量家合不啻十倍

量地平或可以分殺河勢或可以溉灌田土具有圖誌  
 又嘗以海面較京師至汴梁地形高下之差謂汴梁之  
 水去海甚遠其流峻而京師之水去海至近其流甚緩  
 其言皆有徵驗論者惜其未盡見用云 夏四月癸酉  
 朔以河南流民羣聚渡江所過擾害命行臺廉訪使以  
 見貯贓鈔賑之 橫州猺蠻為寇命湖廣省發兵討捕  
 巳亥以淮東廉訪司簽事苗好謙善課民農桑賜衣  
 一襲 庚子命中書省與御史臺翰林集賢院集議封  
 贈通制著為令 賑遼陽蓋州及南豐州飢 是月前  
 集賢大學士商議中書省事陳天祥卒於家年八十謚

封王朝父

文忠 五月庚申以大都留守拜特穆爾為中書平章  
 政事擢中書右丞蕭拜住為平章政事左丞阿爾哈雅  
 為右丞郭貫為左丞參議布哈為參知政事 攷異拜特  
穆爾之除  
拜宰相表系于  
六月今從本紀 時特們德爾恃勢貪虐兇穢愈甚於是  
 進拜珠為平章稍牽制之 庚午置甘肅儒學提舉司  
 遼陽金銀鐵冶提舉司 賑衡永等路飢 六月乙亥  
 制封孟軻父為邾國公母為邾國宣獻夫人 丙子融  
 寶柳州猺蠻叛命湖廣行省遣官督兵捕之 丁丑敕  
 凡鞫囚非強盜毋加酷刑 丁酉河決汴梁沒民居發  
 糧賑之 秋七月壬子命御史大夫巴圖托驪整治臺



綱仍降詔宣諭中外 丙寅復以雅克特穆爾舊帖木兒

今改知樞密院事 八月癸酉以兵部尚書奇達為中書

參知政事攷異表倫九 已卯帝至自上都 戊戌置

織佛像工匠提調所 九月辛丑以中書左丞郭貫為

集賢大學士以集賢大學王毅為左丞攷異王毅為左丞宰相表倫六

月今從本紀 毅旋出為江浙行省左丞 庚戌陞縉山縣為

龍慶州以帝生是縣故也 已未冀寧晉寧路地震

丙寅太白經天 冬十月辛未以江南行省侍御史高

昉為中書參知政事攷異高昉擢參知政事宰相表倫四年正月今從紀 壬申

有事於太廟 壬午河南路地震 甲申敕五臺靈鷲

寺置鐵冶提舉司 乙未禁民有父在者不得私貸人

錢及鬻墓木 是月周王和實拉次延安圖古勒尚家

努博囉及武宗舊臣哩日舊倫釐日今改錫布鼎哈巴勒圖等

皆來會嘉琿謀曰天下者我武皇之天下也出鎮之事

本非上意由左右構門致然請以其故白行省俾聞之

朝廷庶可杜塞離間不然事變叵測遂與數騎馳去先

是哈斯罕為太師特們德爾奪其位出之為陝西行省

左丞相及嘉琿等至即與平章政事塔齊爾行臺御史

大夫圖魯布舊倫脫里伯今改中丞托歡悉發關中兵分道自

潼關河中府入已而塔齊爾托歡阿斯罕嘉琿會于河

中周王遂西行至北邊金山西北諸王察克台等聞周王至咸率眾來附周王至其部與定約束十餘年間邊境寧謐初宣德府人武恪以神童遊學江南吳澄爲江西儒學副提舉薦八國學肄業選爲親王和實拉說書秀才及以周王出鎮恪在行王欲起兵陝西恪諫曰太子此行於國有君命於家有叔父之命今若向京師發一箭史官必書太子反左右惡恪言乃曰武秀才有母在京合遣歸恪遂還大都居陋巷教訓子弟十一月壬寅命監察御史監治嶺北鈎校錢糧半歲而代大萬寧寺僧以所佩國公印移文有司紊亂官政敕禁止

之十二月庚午以知樞密院事圖古勒爲陝西行省左丞相丁亥立皇子碩迪巴拉爲皇太子兼中書令樞密使皇后鴻吉哩氏所生也帝以嫡子欲立之碩迪巴拉入謁皇太后固辭曰臣幼無能且有兄宜立兄以臣輔之太后不許遂立爲太子授金寶開府置官屬監察御史馬祖常上言皇太子天賦美姿急宜招延天下碩德雅望文采博通之士朝夕起居以侍左右輔養懿美薰陶冲和傳云成王始爲太子也太公爲師周公爲輔召公爲保伯禽唐叔與遊目不覩淫豔耳不聞優笑居不近庸邪及爲君也血氣既定遊習旣成雖有放

心不能奪已成之性。今皇太子春秋鼎盛，請建立宮寮，覈求名實，相副調護，羽翼儲闈之才。臣僕亦宜精擇，不可雜以商賈冗瑣之流。天下休戚之源，實在於此。御史段輔、太子詹事郭貫等竝請近賢人擇師傅，帝嘉納之。是歲翰林學士承旨陳鉅夫以病乞骸骨歸田里，不允。命尙醫給藥物，官其子大本郊祀署令，以便侍養。時令近臣撫視，且勞之曰：卿世祖舊臣，惟忠惟貞，其勉加餐粥。少畱京師，以副朕心。鉅夫請益堅，特授光祿大夫，賜上尊，命羣臣飲饒于齊化門外，給驛南還。敕行省及有司常加存問。集賢學士趙孟頫以鉅夫薦起家。帝眷顧甚厚，以字呼之，而不名。至是擢孟頫爲翰林學士承旨。帝嘗與侍臣論文學之士，以孟頫比唐李白、宋蘇軾。又嘗稱孟頫操履純正，博學多聞，書畫絕倫，旁通佛老之旨，皆人所不及。有不悅者間之。帝初若不聞者，又有上書者言國史所載不宜使孟頫與聞。帝乃曰：趙子昂世祖所簡拔，朕特優以禮貌，置於館閣，典司述作，傳之後世，此輩嗶嗶何也？俄賜鈔五百錠。孟頫嘗累月不至宮中，帝以問左右，皆謂其年老畏寒。敕御府賜貂鼠衣。皇慶中，命西僧必蘭納識里繙繹諸梵經典，至是特賜銀印，授光祿大夫。

延祐四年春正月庚子帝謂左右曰中書比奏百姓乏  
 食宜加賑恤朕思民饑若此豈政有過差以致然歟向  
 詔百司務遵世祖成憲宜勉力奉行輔朕不逮惟當省  
 刑薄賦庶使百姓各遂其生也 乙卯諸王托克托駐  
 雲南擾害軍民以昂輝舊倫按灰今改代之丙辰以知樞密院  
 事鄂勒哲舊倫完者今改為雲南行省平章政事 壬戌冀寧  
 路地震 閏月丙戌以立皇太子詔天下賜鰥寡孤獨  
 鈔減免各路租稅有差 辛卯封拜特穆爾為汾陽王  
 壬辰賑汴梁等路飢 二月甲辰敕郡縣各社復置  
 義倉 戊申授近侍鄂勒哲布哈翰林侍讀學士知制

誥同修國史 乙丑升蒙古國子監秩正三品賜銀印  
 三月丁卯帝如上都 夏四月己亥德安旱免屯田  
 租 戊申達哈遜寇邊吳王多勒達等敗之賜賚有差  
 乙丑帝夜坐憂旱謂侍臣曰雨暘不時柰何蕭拜珠  
 曰宰相之過也帝曰卿不在中省耶蕭拜珠惶愧頃之  
 帝露香默禱既而大雨左右以雨衣進帝曰朕為民祈  
 雨何避焉 翰林學士承旨圖古勒都爾密實劉廣等  
 譯大學衍義以進帝覽之謂羣臣曰大學衍義議論甚  
 嘉其令翰林學士阿琳特穆爾編譯之 五月戊寅改  
 太子衛率府為中翊府 壬午黃州高郵真州建寧等

處流民羣聚持兵抄掠敕所在有司其傷人及盜者罪之餘竝給糧遣歸以翰林學士承旨齊勤特穆爾舊

赤音帖木兒今改為中書平章政事以平章烏拜都拉為集賢

大學士已丑擢左丞阿爾哈雅為平章政事參政奇塔

為右丞高昉為左丞攷異齊勤特穆爾等除授宰相表俱倫六月今從本紀已

丑以參議中書省事完珠張思明為參知政事攷異元史張思

明傳三年拜中書參知政事宰相表於四年六月書張而闕其名即思明也今從紀浮屠妙總統

有寵敕中書官其第五品思明執不可帝大怒召見切

責之對曰選法天下公器徑路一開來者雜還故寧違

旨獲戾不忍墮祖宗成憲使四方得窺陛下淺淡也帝

心然其言而業已許之曰卿可姑與之後勿為例乃以

為萬億庫提舉不與黻官六月戊申中書右丞相特

們德爾罷以左丞相哈克繖為右丞相特們德爾貪虐

日甚中外切齒羣臣不知所為中丞楊多爾濟慨然以

糾正其罪為已任上都富民張弼殺人繫獄特們德爾

使家奴脅畱守賀勝使出之勝不可而多爾濟已廉得

其贓鉅萬乃與蕭拜珠及勝奏發其事內外御史共劾

奏其桀黠奸貪欺上罔下占據晉王田及衛兵牧地竊

倉郊廟供祀馬受人珠寶之賄動以萬計且既位極人

臣又領宣政院事以其子巴爾濟蘇舊倫八爾吉思今改為之使

諸子無功於國盡居貴顯縱家奴凌虐官府爲害百端以致陰陽不和山移地震災異數見百姓流亡已乃恬然略無省悔私家之富又在阿哈瑪特僧格之上四海疾怨已久願早加顯戮以示天下奏上帝震怒詔逮問特們德爾逃匿與聖近侍家帝爲不御酒數日以待決獄誅其大奴同惡數人特們德爾終不能得多爾濟持之急徽改近臣以太后旨召多爾濟至宮門責之對曰待罪御史奉行祖宗法非敢違太后旨也帝不忍傷太后意但罷其相位而遷多爾濟爲集賢學士 巳酉烏拜都拉復爲中書平章政事 參知政事張思明持法

峭直近臣疾之日構讒間遷工部尙書帝問左右曰張士瞻居工部得毋怏怏乎對曰勤職如初帝嘉歎之旋授宣徽院副使士瞻思明之字也 壬子以工部尙書王桂爲中書參知政事 癸亥禁總攝沈明仁所佩司空印毋移文有司 秋七月乙亥中書平章政事李孟罷孟以衰病乞解政權歸田里帝不得已從所請復爲翰林學士入侍燕間禮遇尤厚 以江浙行省左丞王毅爲中書平章政事 巳丑成紀縣山崩土石潰徙壞田稼廬舍壓死居民 辛卯冀寧路地震 帝諭省臣曰比聞蒙古諸部困乏往往鬻子女於民家爲婢其命

有司贖之還各部。帝出見衛士有敝衣者，駐馬問之。對曰：戍守邊鎮，踰十五年，故貧耳。帝曰：此輩久勞於外，畱守臣未嘗以聞，非朕親見，何由知之？自今有類此者，必言於朕，因命賜之錢帛。八月丙申，帝至自上都。庚申，哈克繖奏事畢，帝問曰：卿等日所行者何事？哈克繖對曰：臣等第奉行詔旨而已。帝曰：卿等何曾奉行朕旨？雖祖宗遺訓、朝廷法令，皆不遵守。夫法者，所以辨上下、定民志，自古及今，未有法不立而天下治者。使人君制法，宰相能守而勿失，則下民知所畏避，紀綱可立，風俗可厚。其或法弛，民慢，怨言竝興，欲求治安，豈不難哉？

帝在御已久，猶居東宮，而飲酒無度。監察御史馬祖常上言：天子承天繼統，當極保養。玉食之御，猶必審五味之宜，酒醴之供，可不思百拜之義。大內正衙朝賀之地，雖陛下不忘東宮之舊，竊慮起民間觀聽之疑。且國家百年朝儀，尚闕誠使羣臣奏對之際，御史執簡，史官執筆，則雖有懷奸利乞官賞者，不敢出諸其口。乞令中書集議，或三日二日常出視朝，則治道昭明，生民之福也。九月丙寅，右丞相哈克繖言：故事，丞相必用蒙古勲臣，臣西域人，不厭人望，遂懇辭相位，制以宣徽院使遙授左丞相。巴達錫爲中書右丞相，哈克繖仍左丞相。

壬辰嶺北地震凡三日冬十月甲午有事於太廟  
戊戌遣御史大夫巴圖參知政事王桂祭陝西嶽鎮  
名山賑恤秦州被災之民癸酉監察御史言官吏丁  
憂起復人情驚惑請禁止以絕僥幸惟朝廷者舊特旨  
起復者不在禁例制可十一月己卯復濬揚州運河  
壬辰諭諸宿衛入直各居其次非有旨不得上殿闌  
入禁中者坐罪大臣許從二人它官一人門者譏其出  
入十二月丁酉復廣州采金銀珠子都提舉司饒  
州路大飢米價翔踊總管王都中以官倉之米定其價  
爲三等言於江浙行省以爲須糶以下等價民乃可得

食未報輒于下等減價十之二使民就糶行省怒其專  
擅都中曰饒去杭幾二千里比議定往還非半月不可  
人七日不食則死安能忍死以待乎其民相與言曰公  
爲我輩減米價公果得罪我輩當鬻妻子以代公償會  
行省左右司都事王克敬言于其丞相曰鄱陽去此甚  
遠比待報民且死彼爲仁而吾屬顧爲不仁乎都中乃  
得免郡歲貢金而金戶貧富不常都中考得其實乃更  
定之包銀之法戶不過二兩而州縣徵之加十倍都中  
責之一以詔書從事江浙行省遣王克敬往四明監  
倭人互市先是往監者懼有叵測必嚴兵自衛如待大



敵克敬至悉去之撫以恩意皆帖然無敢譁者吳人從軍征日本陷于倭者及是從至中國訴于克敬願還本鄉或恐爲禍階克敬曰豈有軍士懷恩德來歸而不之納耶脫有釁吾當坐事聞朝廷嘉之

延祐五年春正月甲戌懿州地震 丙子安南來貢

乙酉敕諸王位下民在大都者與民均役 丁亥會試

進士 是月召前中書右丞尙文爲太子詹事 河北

河南道廉訪副使鄂囉言近年河決杞縣小黃村口滔

滔南流莫能禦遏陳潁瀕河膏腴之地浸沒百姓流散

今水迫汴城遠無數里倘值霖雨水溢倉猝何以防禦

方今農隙宜爲講究使水歸故道達于江淮不惟陳潁

之民得遂其生而汴城亦可恃以無患詔都水監與汴

梁路分監修治以二月興工至三月而畢 以真定路

總管曹伯啓爲司農丞命至江浙議鹽法伯啓旣至罷

檢校官置六倉於浙東西設運鹽官輸運有期出納有

次船戶倉吏資賣漏失者有罰歸報著爲令 二月癸

巳朔日有食之 和寧路地震 丁酉秦州秦安縣山

崩 戊申建鹿頂殿于文德殿後 辛亥敕杭州守臣

春秋祭淮安忠武王巴延祠 乙卯命中書省汰不急

之役 敕上都諸寺權豪商販貨物竝輸稅課 戊午

給書西天字維摩經金三千兩初宣徽院使歲會內廷佛事之費以斤數者麩四十萬九千五百油七萬九千酥蜜共五萬餘蓋自至元三十年間醮祠佛事之目僅百有二大德七年再立功德使司增至五百餘至是僧徒冒利無厭歲費滋甚較之大德又不知幾倍矣三月辛酉尙文入見年八十二矣帝顧太保庫春而目之曰此自世祖皇帝效力潔淨人也徐諭曰汝知古今識道理練大務皇太子托汝善輔之有言勿吝善教此朕意也文見太子首以念祖宗考兩宮養德性辨邪正陳之太子異其言戊辰廷試進士賜呼圖達勒霍希賢


以下五十人及第出身癸未命晉王伊蘇特穆爾賑遼東貧民給金九百兩銀百五十兩書金字藏經乙酉御史臺言諸司近侍隔越中書聞奏者請如舊制論罪從之曹伯啓擢南臺治書侍御史上言揚清激濁屬在臺憲諸被枉赴愬者實則直之妄則加論可也今愬冤一切不問豈風紀定制乎伯啓俄去位夏四月巳亥眈羅捕獵戶成金等爲寇敕征東行省督兵捕之庚戌免懷孟河南南陽居民所輸陝西鹽課時解州鹽池爲水所壞命懷孟等處倉陝西紅鹽後以地遠改倉滄鹽而仍輸課陝西民不堪命故免之甲寅

異攷

本紀于是日書以干努史彌竝為中書以侍御史敬儼  
 平章政事表不書疑紀有訛字今闕之為中書參知政事儼初為侍御史臺臣有劾去而復職  
 者御史復劾之章再上命丞相樞密共決之儼曰如是  
 則臺事去矣遂即帝前奏黜之因伏殿上叩頭請代帝  
 曰事非由汝其復位至是拜參政臺臣復奏留之儼亦  
 陛辭不允賜大學衍義及所服犀帶舊制諸院及寺監  
 得奏除其僚屬歲久多冒濫富民或以賂進有至大官  
 者儼以名裔當慎惜會臺臣亦以為言乃奏悉追奪之  
 著為令 戊午帝如上都 五月丁卯以御史中丞伊  
 拉齊舊倫亦列赤今改為中書右丞改異本紀倫伊拉齊為左丞相以表考之乃左丞也

但表較紀遲一月耳紀誤衍相字 壬申監察御史言比年名裔冒濫

太尉司徒國公接迹於朝咎奉詔裁罷中外莫不欣悅  
 近聞禮部奉旨鑄太尉司徒司空等印二十有六此輩  
 無功于國載在史冊貽笑將來請自今門閥貴重勲業  
 昭著者存留一二餘竝革去從之 癸酉遣官分道減  
 杖笞以下罪 巳卯德慶路地震 鞏昌隴西縣大雨  
 南土山崩壓死居民給糧賑之 太子詹事尙文以年  
 老不受俸帝慰留之仍諭其盡言教太子尋謝病歸  
 六月辛卯御史臺言咎遣章律等經理江浙江西河南  
 田糧虛增糧數流毒生民巳嘗奉旨俟三年徵租今及



其期若江浙江西當如例輸之其河南請視舊例減半  
 徵之 乙巳術者趙子玉等七人伏誅時衛王阿穆爾  
 克舊倫阿木哥今改以罪貶高麗子玉言於王傅司馬曹圖卜  
 台舊倫曹脫不台今改等曰阿穆爾克名應圖識于是潛謀備兵  
 器衣甲旗鼓航海往高麗取阿穆爾克至大都俟時而  
 發行次利津縣事覺誅之 西番土寇倫亂敕甘肅省  
 調兵捕之 以宣政院副使張思明為西京宣慰使嶺  
 北戍士多貧者歲凶相挺為變思明威惠並行邊境乃  
 安因條上和林運糧不便十二事帝勞以端硯上尊  
 秋七月壬申御史中丞趙簡言皇太子春秋鼎盛宜選

耆儒敷陳道義今李銓侍東宮說書未諳經史請別求  
 碩學分進講讀實宗社無疆之福制可之 諸王布里  
 雅敦之叛諸王額森實列吉及衛士多岱巴圖坐持兩  
 端不助官軍進討敕流額森江西實列吉湖廣多岱衛  
 州巴圖潭州 癸酉拘衛王阿穆爾克王傅印 壬午  
 罷河南行省左丞陳英等所括民田止如舊例輸稅  
 戊子鞏昌路寧遠縣山崩 加封楚三閭大夫屈原為  
 忠節清烈公 八月庚子帝至自上都 是月伏羌縣  
 山崩秦州成紀縣暴雨山崩朽壤墳起覆沒畜產 九  
 月癸亥大司農邁珠舊倫買住今改進司農丞苗好謙所撰栽

桑圖說帝命刊印千帙散之民間 丁卯以中書右丞

伊拉齊為中書平章政事左丞高昉為右丞參知政事

完珠為左丞吏部尚書雅濟格舊倫完只為參知政事

攷異宰相表倫十月今從紀甲戌以倫佛事釋重囚三人輕囚五

十三人 已卯以江浙行省所印大學衍義五十部賜

朝臣 丁亥立行宣政院於杭州設官八員 大同路

金城縣大雨雹 先是播州南寧長官洛麼倫亂思州

守臣招諭之冬十月已丑洛麼遣人以方物入貢 癸

巳改中翊府為羽林親軍都指揮使司 甲午有事於

太廟 癸丑贛州路雲都縣里胥劉景周以有司徵括

田新租聚眾亂敕免徵新租招諭之 十一月丁卯

用監察御史柰曼台舊倫乃蠻等言追奪建康富民王

訓等白身濫受宣敕仍禁冒籍貫宿衛及巧受遠方職

官不赴任求別調者隱匿不自首者罪之 癸未敕增

江西茶運司茶課初世祖時置權茶都轉運司于江州

總江南及兩淮茶稅尋改江西其稅自二萬四千錠以

漸增至一十九萬二千八百錠至是又因江西茶副帕

合哩鼎言立減引增課之法敕以二十五萬錠為額復

增至二十八萬九千餘錠郡縣所輸竭山谷之產不能

充其半餘皆酷取民間歲以為常時轉運使得以專制

築先聖燕居祠堂於其家邦人往徼以遊至與釋氏房舍並心要當本聖像以供奉類不可不戒

有司凡五品以下官皆杖決州縣莫敢誰何江南僉事鄧文原請罷其司俾郡縣領之不報十二月辛亥置重慶路江津巴縣屯田省成都歲漕萬二千石是歲中書平章政事商議樞密院事齊諾乞致仕許之仍給半俸終其身齊諾退居濮上築先聖燕居祠堂於歷山之下聚書萬卷延名師教其鄉里子弟出私田百畝以供養之有司以聞賜額歷山書院家居七年而卒年七十一謚景憲

續資治通鑑卷第一百九十九

續資治通鑑卷第二百

賜進士第命尚書蘇轍右都御史總督湖北湖南等處地方軍務兼理糧餉等事

元紀十八

起屠維協洽正月盡上章浩灘十二月凡二年

仁宗聖文欽孝皇帝

延祐六年春正月丁巳朔暹羅來貢方物丁卯敕福建兩廣雲南甘肅四川軍官致仕還家官給驛傳如民官例戊辰賑晉王部貧民甲戌監察御史富珠哩舊倫字木魯等言皇太子位正東宮既立詹事院以總家政宜擇年德老成道義厚重者為師保資贊俾盡心輔導以廣緝熙之學狝嘗以御史巡按淮東淮東憲司

惟尚刑多致獄具。狎曰：國家所以立風紀，蓋將肅清天下，初不尚刑也。取其獄具焚之。時凡以吏進者，例降二等，從七品以上不得用。狎言：科舉未立，人才多以吏進。若一概屈抑，恐非持平之議。請以吏進者，宜止於五品。詔復舊制。其犯賊者，止從七品。著為令。已卯，廣東南思新州獠賊龍郎庚等為寇，命江西行省發兵捕之。帝謂達嚕噶齊瑪嚕舊作札魯忽赤買闕今改曰：凡人命所繫，其詳閱獄詞，事無大小，必謀諸同僚，疑不能決者，與省臺臣集議以聞。又顧謂侍臣曰：卿等以朕居帝位，為安耶？朕惟太祖創業艱難，世祖混一疆宇，兢兢守成，恒懼不能

當天心，繩祖武，使萬方百姓樂得其所，念慮在茲，卿等固不知也。二月丁亥朔，日有食之，改釋奠於中，下祀社稷於中。戊丁酉，雲南閣里夔俄永昌蒲蠻阿八刺等竝為寇，命雲南省從宜勦捕。乙巳，敕諸司不由中書奏官而輒署事者罷之。三月丁巳，以天壽節，釋重囚一人。辛酉，以御史中丞圖圖哈為御史大夫，諭之曰：御史大夫職任至重，以卿勲舊之裔，故特授汝。當思乃祖乃父，忠勤王室，仍以古名臣為法，否則墜汝家聲，負朕委任之意矣。己巳，敕諸王駙馬宗姻諸事依舊制，領于內八府，勿徑移文中書。免大都上都興和大

太后在好堂帝幸其處  
之特門德爾連誅而  
復用時發害忠臣  
釀成劫送之禍史官  
却諫帝果於誅殺以  
此其後度如此帝及  
拜珠之夫在宮納慈  
委之夫柄

同今歲租稅 夏四月壬辰中書省言雲南土官病故  
子姪兄弟襲之無則妻承夫位遠方蠻夷頑獷難制必  
任土人可以集事今或闕員宜從本俗制可之 庚子  
帝如上都 以前中書右丞相特們德爾舊倫鐵木迭兒今改  
太子太師內外監察御史四十餘人劾其逞私蠹政難  
居師保之任帝以皇太后故終不用其言又嘗以臺事  
問集賢學士楊多爾濟舊倫朶兒只今改對曰非臣職事臣不  
敢與聞所念者德們德爾雖去君側反得為東宮師傅  
在太子左右恐售其奸則禍有不可勝言者帝亦不能  
用 五月揚州火燬官民廬舍二萬三千三百餘區

六月辛丑置河南田賦總管府隸內史府 戊申置勇  
校署以角觝者隸之 庚戌大同縣雨雹大如雞卵  
詔以駝馬牛羊分給朔方蒙古民戌守邊徼者俾牧養  
蕃息以自贍仍議興屯田 癸丑以羽林親軍萬人隸  
東宮 丁丑以濟寧等路大水遣官閱視其民之貧者  
賑之仍開河泊禁聽民采食 秋七月丙辰緬國遣人  
來覲 來安路總管岑世興叛據唐興州賜璽書招諭  
之 壬戌東宮增軍萬人置右衛率府 丁卯諭江西  
官吏豪民勿阻撓茶課 甲戌皇姊大長公主倫佛事  
釋全寧府重囚二十七人帝聞之怒敕按問全寧守臣



阿縱不法仍追所釋囚還獄 八月甲申以河東山西

道宣慰使張思明為中書參知政事先是左丞相哈克

繖舊作合辭職帝不允其請益堅帝詰之曰朕任卿未

專耶曰非也近臣有撓政者耶曰無有然則何為而辭

對曰臣自揆才薄恐誤陛下國事若必欲任臣願薦一

人為助帝問為誰哈克繖再拜曰臣願得張思明即日

召用之攷異元史宰相表張思明拜參知政事在閏八

庚子帝至上都張思明謁見于道帝曰卿向不負

朕注委故因哈克繖言復起用汝 是月伏羌縣山崩

閏月甲子浚會通河 癸酉敕諸司有受命不之官

及避煩劇託故去職者奪其宣敕 九月甲申以奇徹

爾為中書參知政事 癸巳以佺佛事釋大辟囚七人

流以下囚六人 戊戌增海漕十萬石 癸卯御史臺

言比者官以倖求罪以賂免請凡內外官非勲舊有資

望者不許驟陞諸犯贓罪已款伏及當鞫而幸免者悉

付原問官以竟其罪其貪汙受刑奪職不敘者黃緣近

侍出入內庭覬倖名爵宜斥逐之帝皆納其言 詔四

宿衛嘗受刑者勿令造內庭 浚鎮江練湖以圍田日

多致水泛溢也 賑濟寧等路飢 冬十月乙卯中書

省言白雲宗統攝沈明仁強奪民田二萬頃誑誘愚俗

十萬人私賂近侍，妄受名爵，已奉旨追奪，請汰其徒，還所奪民田。其諸不法事，宜令覈問。帝曰：朕知沈明仁姦惡，其嚴鞫之。戊午，授皇太子玉冊。辛酉，以達嚕噶齊特穆爾布哈爲御史大夫。癸亥，上都民飢，發官粟萬石減價賑糶。己卯，浚通會河。十一月辛卯，木邦路帶邦爲寇，敕雲南省招捕之。庚子，中書省言：曩賜諸王阿濟吉鈔三萬錠，使營子錢，以給畋獵廩膳，毋取諸民。今其部阿嚕呼等出獵，恣索于民，且爲姦事。宜令宗正府刑部訊鞫之，以正典刑，制可之。禁民匿蒙古軍亡奴。帝諭臺臣曰：有國家者，以民爲本。比聞百姓

疾苦，銜冤者眾。其令監察御史廉訪司審察以聞。翰林學士承旨趙孟頫乞致仕南歸，帝遣使賜衣幣促之還朝，以疾辭不起。賑河間飢。十二月壬戌，命皇太子參決國政。太子謂中書省臣曰：至尊委我以天下事，日夜寅畏，惟恐弗堪。卿等亦當洗心滌慮，恪勤乃職，勿有隳壞，以貽君父憂也。帝亦語左右曰：前代皆有太上皇之號，今太子且長，可居大位。朕欲爲太上皇，與若等遊觀西山，以終天年。羣臣皆稱善。右司郎中魯特穆爾曰：臣聞晉所謂太上皇，若唐元宗、宋徽宗，皆當禍亂，不得已而爲之。願陛下正天位，保無疆之業，前代虛名，何

足慕哉。壬申，平章政事王毅以親辭職，從之。仍賜其父幣帛。癸酉，夜風雪甚寒，帝謂侍臣曰：朕與卿等居暖室，宗戚昆弟遠戍邊陲，曷勝其苦。歲賜幣帛，可不徧及耶。是月，封宋儒周惇頤爲道國公。帝嘗謂左右曰：儒者皆用矣，惟虞伯生未顯擢耳。遂以集爲翰林待制，兼國史院編修，集尋以憂歸。伯生，集之字也。

延祐七年春正月辛巳朔，日有食之。帝齋居，損膳輟朝賀。壬午，御史臺言：比賜布爾罕、鼎山、場鄂、勒哲、布哈、海、船舶稅會計其鈔，皆數十萬錠。諸王軍民貧乏者，所賜未嘗若是苟不撙節，漸致帑藏虛竭，民益困矣。中書省

臣進曰：臺臣所言良是。若非振理朝綱，法度愈壞，臣等

乞賜罷黜，選任賢者。帝曰：卿等不必言，其各共乃事。

辛卯，江浙行省丞相赫魯舊作黑言：白雲僧沈明仁，擅

度僧四千八百餘人，獲鈔四萬餘錠。旣已辭伏，今遣其

徒沈崇勝潛赴京師，行賄求援，請逮赴江浙併治其罪。

從之。丁亥，帝不豫，皇太子憂形于色。夜則焚香祈告

於天曰：至尊以仁慈御世，庶績順成，四海清晏，天何遽

降大厲，不如罰殛我身，使至尊永爲民主。辛丑，帝崩于

炁天宮。年三十六。太子哀毀過禮，素服寢于地，日歎一

粥。癸卯，葬起輦谷。帝天性恭儉，通達儒術，兼曉釋典，每

曰明心見性、佛教為淡、修身治國、儒道為大、在位七年、不事遊畋、不喜征伐、尊賢重士、待宗戚勲舊、始終有禮、有司奏大辟、每慘惻、移時其孜孜為治、一遵世祖成憲、云、甲辰、中書右丞相巴達錫罷、太子太師特們德爾、以皇太后命、復入中書為右丞相、參議中書省事、韓若愚、廉勤稱職、特們德爾初為相時、以其不附已、欲羅織以事而不得、遂至是復相、乃誣若愚以罪、請殺之、皇太子不從、復奏奪其官、除名歸鄉里、丙午、遣使分讞內外刑獄、戊申、汰知樞密院四員、禁巫祝日者交通宗戚大官、二月壬子、罷造永福寺、賑大同豐州諸

驛飢、以江浙行省左丞相赫魯為中書平章政事、

戊午、祭社稷、建御容殿于永福寺、汰富民竄名宿

衛者、給役蒙古諸驛、辛酉、中書平章政事齊勒特穆

爾、御史大夫托歡竝罷、為集賢大學士、甲子、特們德

爾、阿克繼請捕逮四川行省平章政事趙世延、赴京、特

們德爾以世延嘗劾奏其罪惡十三事、銳意報復、屬其

黨何志道誘世延從弟索哈爾哈呼、舊倫胥蓋爾誣告

世延罪、逮世延置對、且使諷世延、啗以美官、令告引同

時異已者、世延不肯從、行至夔州、遇赦、以疾抵荆門、就

醫、特們德爾遣使督追至京師、俾其黨煅煉成獄、會有

宋世人報復志多此  
亦差元人特們德爾而  
無人爭之、其所以為  
天也歟

旨事經赦原者勿復問乃已。參議中書省事奇克監坐驚官刑部以法當杖太后命笞之。太子曰不可法者天下之公徇私而輕重之非示天下以公也卒正其罪。丙寅以陝西行省平章政事趙世榮爲中書平章政事江西行省右丞穆布喇爲中書右丞參知政事張思明爲中書左丞中書左丞完珠罷爲嶺北行省右丞。白雲宗攝沈明仁以不法坐罪詔籍江南冒爲白雲僧者爲民。己巳修鎮雷佛事於京城四門。辛未括民間係官山場河泊窰冶廬舍。癸酉括勘崇祥院地其冒以官地獻者追其直以民地獻者歸其主。丙子定

京城環衛更番法準五衛漢軍歲例。丁丑特們德爾以李孟初不附已奪其秦國爵及前後制命仆其先墓碑。戊寅中書平章政事烏巴都拉罷爲甘肅行省平章政事阿里哈雅罷爲湖廣行省平章政事。特們德爾怨集賢學士楊多爾濟前爲中丞時發其姦贓專制等罪而平章政事蕭拜珠在中書牽制其所爲於是矯皇太后旨召多爾濟蕭拜珠至徽政院與徽政使實勒們御史大夫圖勒哈雜問之責以前違太后旨之罪多爾濟曰中丞之職恨不卽斬汝以謝天下果違太后旨汝豈有今日耶特們德爾請殺之皇太子曰人命至重

刑殺非輕不宜倉卒二人罪狀未明當白太后使詳讞之誅之未晚也特們德爾乃引同時為御史者二人證成其獄多爾濟顧二人唾之曰汝等嘗得備風憲乃為是犬彘事耶坐者皆慚俯首即起入奏未幾稱旨執多爾濟載詣國門之外與蕭拜珠俱見殺是日風沙晦冥都人恟懼道路相視以目故異虞集撰楊公神道碑云太后為之驚悔集奉敕撰文故不免有所回護其時坐多爾濟以誣罔大臣罪名故冤久不白非既殺而旋悔也後又欲奪多爾濟妻劉氏與人劉翦髮毀容自誓乃免蕭拜珠之死有吳仲者潛守其屍三日不去竟收葬之時特們德爾日思報復仇怨誅戮不已張思明謂曰山陵甫畢新君

未立丞相恣行殺戮人皆謂丞相陰有不臣之心萬一諸王駙馬疑而不至奈何特們德爾乃止徽政院使實勒們以皇太后命請夏朝官皇太子曰此豈除官時耶且先帝舊臣豈宜輕動俟予即位議于宗親元老賢者任之邪者黜之可也司農卿鄂勒哲布哈言先帝以土田頒賜諸臣者宜悉歸之官太子問曰所賜為誰對曰左丞相哈克繖所得為多太子曰予嘗諭卿等當以公心輔弼卿於先朝嘗請海船之稅以哈克繖奏而止今卿所言乃復私憾耳非公議也豈輔弼之道耶遂出鄂勒哲布哈為湖南宣慰使三月辛巳以中書禮部

領教坊司。壬午賑陳州嘉定州飢。瓜哇入貢。戊子征諸王駙馬流竄者給侍從遣就分邑。庚寅皇太子卽皇帝位。詔赦天下。尊皇太后爲太皇太后。壬辰太皇太后受百官朝賀于興聖宮。特們德爾進開府儀同三司上柱國太師。初太皇太后以周王和實拉少時有英氣而帝稍柔懦。諸羣小亦以立和實拉必不利於已。遂定策。帝旣卽位。太皇太後來賀。帝毅然見於色。太后退而悔曰。我不擬養此兒耶。敕羣臣超授散官朝會毋越班。戊戌汰上都畱守司畱守五員。定吏員秩止從七品如前制。辛丑禁擅奏璽書。壬寅降前

中書平章政事李孟爲集賢侍講學士。特們德爾欲因其不就陰中之。孟拜命欣然。帝謂特們德爾子巴爾濟

蘇舊倫八兒

曰。爾輩謂孟不肖爲是官。今何如。由是讒

不得行。

御史臺請詔諭百司以肅臺綱。帝曰。卿等但

守職盡言善則朕當服行。否亦不汝罪也。甲辰詔中

外毋沮議。特們德爾。敕罷醫卜工匠。任子其藝精絕

者擇用之。丙午有事于南郊。夏四月庚戌有事於太

廟。告卽位也。罷行中書省丞相。河南湖廣遼陽竝降

爲平章政事。惟征東行省丞相高麗王不降。乙卯罷

回回國子監。戊午祀社稷。己未紹慶路洞蠻爲寇。

命四川行省捕之。祭遁甲神於香山。命平章政事王毅等徵理在京諸倉庫錢穀虧耗者七十八萬石。及諸路歲貢幣帛稍紕謬者，俱責償所司。程督嚴刻，怨讟竝侷矣。以太常禮儀院使拜珠。舊侷拜住，今改。為中書平章政事。拜珠安圖。舊侷安童，今改。孫也。閔遠端亮，有祖風。襲宿衛長。延祐中，拜太常禮儀院使。每議大政，必問曰：「合典故否？」同官有異見者，曰：「大朝止說典故耶？」拜珠微笑曰：「公試言之，國朝何事不合典故？」同官不能對。太常事簡，每退食，必延儒士，諮訪古今禮樂刑政治亂得失。盡日不倦。嘗曰：「人之仕宦，隨所職司，事皆可習。至于學問，有本

施于事業，此儒者之能事。宰相之資也。帝在東宮，問宿衛之臣於左右，咸稱拜珠賢。遣使召之，欲與語。拜珠謂使者曰：「嫌疑之際，君子所慎。我長天子宿衛，而與東宮私相往來，我固得罪。亦豈太子福耶？竟不往。及即位，遂有是命。壬戌，特們德爾請參決政務，禁諸臣毋隔越擅奏從之。乙丑，大行皇帝器卒，哭侷佛事七日。丙寅，周王和實拉長子托驪特穆爾。舊侷妥權帖木兒，今改。生。攷異，袁忠徹傳，著有符臺外集，載元順帝為瀛國子，符臺外集蓋本於庚申外史也。據庚申外史云：瀛國為僧白塔寺，已而奉詔居甘州山寺，有趙王者，因嬉遊至其寺。憐國公年老且孤，畱一回回女子與之。延祐七年，女子懷娠四月十六日夜生一男子，明宗適自北方來，早行見其寺，上有龍文五采氣，即物色得之，乃瀛國所居室也。

順帝為瀛國子  
三神官齊野之語  
形留沈九固拉曼  
君子所當察焉



因問子之所居得無有重寶乎曰無有固問之則曰今早五更後舍下生一子明宗大喜即求為子并其母以歸此必當時相傳有此言故後來文宗據以下詔書耳余應詩云是時明宗在沙漠締交合尊情頗濃合尊之妻夜生子明宗隔牖聞笙鏞乞歸行宮養為子皇考崩時年甫童亦詠其事也其詩頗近委巷俚鄙之談其後文宗崩中外推戴順帝無異詞則文宗之詔為不足信而外史諸書更無足據矣今從元史明宗紀

辰帝如上都

初太廟九室合饗於一殿及仁宗崩無

室可祔乃權結綵殿於武宗室前以奉神主帝召禮官

集議太常儀禮院經歷曹元用言古者宗廟有寢有室

宜以今室為寢當更營大殿於前為十五室帝嘉其議

授翰林待制 戊寅有獻七寶帶者因近臣以進帝曰

朕登大位不聞卿等進賢而為人進帶是誘朕也其還

之 五月己卯朔禁僧馳驛仍收元給璽書 庚辰殺

上都留守賀勝勝與特們德爾居同巷惡其奸惡且帷

薄不修絕不通問復與楊多爾濟發其贓罪特們德爾

恚甚乃奏其僂服迎詔為大不敬棄市籍其家勝死之

日百姓爭持紙錢哭於屍旁甚哀 己丑中書左丞相

阿克繼罷為嶺北行省平章政事以拜珠為左丞相

喇呼舊倫乃刺達斯哈雅舊倫塔失竝為中書平章政

事濟爾哈朗為參知政事特們德爾恃其權寵乘間肆

毒睚眦之私無不報復帝覺其所譖毀者皆先帝舊人

滋不悅其所為乃以拜珠為左丞相委以心腹特們德

爾漸見疎外矣。辛卯，中書參知政事奇徹舊倫欽察，今改。罷

為集賢學士。遣使權廣東番貨。壬辰，和林民間海

瘞殍死者三千餘人，旌其門。乙未，上聖文欽孝皇帝

尊謚廟號仁宗。國語曰布延圖。舊倫普顏篤，今改。皇帝。戊戌，

有告嶺北平章政事阿克緞，中書平章政事赫魯及御

史大夫圖卜台、徽政使實勒們等與故約蘇穆爾妻伊

呼薩巴謀廢立者，帝御穆清閣召拜珠謀之，對曰：「此輩

擅權亂政久矣，今猶不懲，陰結黨與，謀危社稷，宜速施

天威以正祖宗法度。」帝動容曰：「此朕志也。」命率衛士擒

斬之，籍其家，餘黨皆伏誅。先是，近侍傳旨以姓名赴中

書銓注者六七百員，選曹為之壅滯。拜珠奏閣之，注授

一依選格次第，吏無容奸。刑曹事有情可矜者，寬恕之。

貪暴不法，必不少容。帝嘗諭左右曰：「汝輩慎之，苟陷國

法，我雖曲赦，拜珠不汝恕也。」追封隴西公汪世顯為

隴右王。辛丑，以知樞密院事特穆爾托舊倫鐵木兒脫，今改。為

中書平章政事。壬寅，監察御史請罷僧道工，伶濫爵

及建寺豢獸之費。甲辰，以誅阿克緞赫魯賀勝等詔

天下，勝死非其罪，而詔書與諸逆竝言，時猶為特們德

爾所蔽也。丙午，捕伊呼薩巴子江浙平章瑪魯仍籍

其家。丁未，封汪沁舊倫王禪，今改。為雲南王，往鎮其地。以

賀勝實勒們阿克織家貲田宅賜特們德爾等六月  
 巳酉流徽政院使密錫實于金剛山以托實哈實勒  
 們所奪人畜產歸其主甲寅前太子詹事綽和爾伏  
 誅京師疫倫佛事于萬壽山戊午罷徽政院廣  
 東采珠提舉司罷以有司領其事庚申賜角觝者百  
 二十人鈔各千貫壬戌敕諸使人京者大事五日小  
 事三日遣還是夜月食既乙丑新倫太祖幄殿  
 時僧徒橫甚有司無敢詰難者蓋屋僧圓明以燒香受  
 戒私相煽惑從者日眾遂自稱皇帝眾呼萬歲約以孟  
 秋五日攻奉元路秋七月丁丑朔陝西參政多爾濟以

兵捕之圓明遁去逾月始就擒斬之（攷異元史英宗紀  
 至治元年十月辛  
 丑朔妖僧圓明等伏誅而經世大典以為延祐年事其  
 略云延祐七年六月十三日夜奉元路蓋屋縣終南景  
 谷小高山僧圓明和尚就扶風糾合蘇子榮等五十餘  
 人各執桑木笏持二劍祀星斗偽即位為皇帝眾呼萬  
 歲圓明和尚者姓白名唐古岱建禪庵小高山秋池邊  
 蓋屋人來燒香者受戒牒因與子榮等相識至是誠以  
 七月五日攻奉元路舉事六月二十九日扶風人告變  
 官軍捕之唐古岱提劍夜二更欲出山走官軍圍之遂  
 相射雞鳴時復回庵七月一日陝西參政以兵捕賊唐  
 古岱藏其母林中與妻妙師及其黨西循秦嶺走久之  
 棄偽印章草內八月五日官軍追及執妙師等九日擒  
 唐古岱于白楊平河伏誅是其事之始末皆在延祐七  
 年也元修經世大典去延祐時較近視明甲申車駕  
 人修元史為可徵信矣今從經世大典  
 將北幸調左右翊軍赴北邊浚井以知樞密院事瑪嚕  
 哈坦竝為遼陽行省平章政事壬辰遣扈從諸營還

大都禁踐民禾 安南內附人陳巖言其國貢使多為

覘伺敕湖廣行省汰遣之 丙申中書平章政事龔喇

呼罷 禁獻珍寶製袞冕 庚子以江南行御史臺中

丞廉恂為中書平章政事恂希憲之子也 攷異元史宰

月今從本紀又表倫廉穆濟爾哈雅即 辛丑晉王伊

恂之小字也舊作米只兒海牙今改 蘇特穆爾遣使以地七千頃歸朝廷請有司徵其租歲

給糧鈔從之 是月汴梁路言滎澤縣河決塔海莊隄

十步餘橫隄兩重復決數處又開封縣蘇村及七里寺

決二處詔本路及都水監官併工修築 八月丁未朔

嶺北省臣實都坐以官錢犒軍免官詔復其職 丙辰

祔仁宗聖文欽孝皇帝莊懿慈聖皇后于太廟特們德

爾攝太尉奉玉冊行事 戊午特們德爾復誣趙世延

以違詔不敬下之獄請寘極刑并究省臺諸臣不允帝

幸涼亭從容謂近侍曰頃特們德爾必欲寘趙世延于

死地此殆報怨耳朕素聞其忠良故每奏不納左右咸

稱萬歲 丁卯宮人官努坐用日者請太皇太后崇星

杖之籍其資 托期瑪部宣慰使尹琳沁坐違制不發

兵杖流紐爾干地 九月甲申建壽安山寺給鈔千萬

貫 禁五臺山樵采 庚子常德灃州洞蠻合諸洞為

寇命土官追捕之 甲辰遣瑪薩曼等使占城真臘龍

續資治通鑑

卷二百

五

牙門索馴象以廩藏不充停諸王所部歲給冬十月丁未時享太廟庚戌將倫院使伊蘇坐董製珠衣怠工杖之籍其家丁巳酉陽聳儂洞蠻田謀遠爲寇命守臣招捕之戊午帝至上都詔太常院曰朕將以四時躬祀太室宜與羣臣集議其禮此追遠報本之道毋以朕勞於對越而有所損其悉遵典禮庚申敕譯佛書乙丑幸大護國仁王寺帝師請以醮八兒監藏爲土番宣慰使都元帥從之丁卯爲皇后倫鹿頂殿於上都庚午命拜珠督造壽安山寺十一月丙子朔帝御齋宮丁丑恭詣太廟備法駕服袞冕以行禮

至仁宗室卽獻欵流涕左右莫不感動甲申敕翰林

國史院纂修仁宗實錄丁酉詔各郡建帝師帕克斯

巴舊倫八思巴今改殿其制視孔子廟有加甲辰特們德爾

言和市織幣薄惡由董事者不謹請免右丞高昉等官

仍令郡縣更造徵其元直不允十二月乙巳朔詔以

明年爲至治元年減天下租賦二分包銀五分免大都

上都興和三路差稅二年優復煮鹽煉鐵等戶二年開

燕南山東河泊之禁聽民采取命官家屬流落邊遠者

有司給資遣之其子女典鬻與人者聽還其家監察御

史廉訪司歲舉可任守令者二人七品以上官有偉畫

長策可以濟世安民者實封上之士有隱居行義明治體不求聞達者有司具狀以聞 丁未播州蠻蠻的羊籠等內附 庚戌鑄銅爲佛像置玉德殿 癸丑以天壽節預遣使修醮于龍虎山 乙卯率百官奉玉冊玉寶加上太皇太后尊號曰儀天興聖慈仁昭懿壽元全德奉寧福慶徽文崇祐太皇太后 翰林學士呼圖魯都勒譯進大學衍義帝曰修身治國無踰此書賜鈔五萬貫以印本頒賜羣臣 河南饑帝問其故羣臣莫能對帝曰良由朕治道未洽卿等又不盡心乃職委任失人致陰陽不和災害瀰至自今各務勤恪以應天心毋

使吾民重困

辛酉倫延春閣後殿

乙丑祭星于回

回司天監四十晝夜

丙寅修祕密佛事于延春閣

丁卯特們德爾拜珠言比者詔內外言得失今上封事者或直進御前乞令臣等開視再入奏聞帝曰言事者直至朕前可也如細民輒訴訟者則禁之 給武宗皇后鈔七十五萬貫 己巳敕罷明年二月八日迎佛以江南浙西道廉訪使薛處敬爲中書參知政事 辛未拜珠進鹵簿圖帝以唐制用萬二千三百人耗財乃定大駕爲三千二百人法駕二千五百人 上思州獠結交趾寇忠州 癸酉帝聞賀勝母老憫之以所籍京

唐萬二千爲多字  
昔爲減削之數今我語  
滿珠隨三不可曰漢

兆田磴還其家。江浙行省平章政事巴延徹爾、江西行省平章政事白薩都竝坐貪墨免官。是歲決獄輕重七千六百三十事。滹沱河決文安大城等縣，渾河溢壞民田廬，秦州成紀縣暴雨山崩，朽壤墳起，覆沒畜產大同兩雹大如雞卵，益津縣隕黑霜。帝命宣徽院使特克實舊作鉄失今改領中都威衛指揮使，特克實特們德爾黨也。延祐中近臣多託恩幸以求賞者，宣徽院使圖沁布哈輒抑弗予。特克實王廷顯皆同官也。仁宗賜特克實海船圖沁布哈曰：此軍國之所資，上不宜賜，下不宜受。又賜廷顯玉帶，廷顯欲取大官羊錢一萬五千緡，充其價。圖沁布哈復持不可，於是怨之者眾。及帝卽位，特們德爾擅政，特克實竟譖殺之。

續資治通鑑卷第一百

續資治通鑑卷第一百一

賜進士第其都察院都御史總督湖廣等處地方兼理糧餉等事

元紀十九

起重光元年正月盡昭陽大淵獻十二年凡三年

英宗睿聖文孝皇帝

諱碩迪巴拉仁宗嫡子也母莊懿慈聖皇后鴻吉哩氏以

大德七年二月甲子生延祐三年十二月丁亥立為皇太子六年十月戊午命參決庶務

至治元年春正月丁丑修佛事於文德殿 甲申召高

麗王王璋赴上都 丙戌帝服袞冕享太廟以左丞相

拜珠亞獻知樞密院事圖哲伯終獻自世祖建太廟以

來歷十四年未行親享之禮拜珠乃言曰古云禮樂百

年而後興此其時矣帝悅曰朕能行之敕有司上親享



太室儀注至是禮畢詔羣臣曰一歲惟四祀使人代之不能致如枉之誠實所未安歲必親祀以終朕身廷臣或言祀事畢宜赦天下帝諭之曰恩可常施赦不可屢下使殺人獲免則死者何辜命中書陳偃宜事行之丁亥帝欲結綵樓於禁中元夕張燈設宴參議中書省事張養浩上疏於左丞相拜珠拜珠謂當進諫卽袖其疏入奏其略曰世祖臨御三十餘年每值元夕閭閻之間燈火亦禁況闕庭之嚴宮掖之邃尤當戒慎今燈山之構臣以爲所翫者小所係者大所樂者淺所患者深願以崇儉慮遠爲法以喜奢樂近爲戒帝覽而喜曰非

張希孟不敢言遽命罷之且曰有臣如此朕復何憂自今朕凡有過豈特臺臣當諫人皆得言賜養浩帛以旌其直二月戊申改中都威衛爲忠翊侍衛親軍都指揮使司巳酉倫仁宗神御殿於普慶寺辛亥調軍

三千五百人修上都華嚴寺大永福寺成賜金銀鈔

幣丁巳畋於柳林敕更造行宮壽安山寺役甚急

監察御史索約勒

舊倫鎖咬兒今改

哈迪密實

舊倫哈的迷失今改

與同

列觀音保成珪李謙亨上章極諫以爲東倫方始而興大役以耗財病民非所以祈福也且歲在辛酉不宜興築奏入帝怒初司徒劉夔妄獻浙右民田冒出內帑鈔

六百萬貫丞相特們德爾分取其半御史發其姦由是疾忌臺諫治書侍御史索諾木

舊倫鎖南今改

特們德爾之子

也至是密奏曰彼宿衛舊臣聞事有不便弗即入白而訕上以揚已之直大不敬帝乃殺索約勒哈迪密實與

觀音保杖桂謙亨黥之竄紐爾干

舊倫奴兒干今改

地二人始

亦不測而特們德爾方引左丞張思明爲已助思明爲言於丞相曰言事御史職也祖宗以來未嘗殺諫臣成

李旣屬吏當論法二人由是得輕典丁卯以僧法洪爲釋源宗主授司徒罷先朝傳旨濫選者三月丙

子建帝師帕克斯巴寺於京師丁丑發民兵疏小直

沽白河庚辰廷試進士賜泰布哈宋本等六十四人及第出身辛巳帝如上都拜珠從至察罕諾爾帝以

行宮制度卑隘欲廣之拜珠曰此地苦寒入夏始種粟黍陛下初登大寶不求民瘼而遽興大役以妨農務恐

失民望帝乃止帝嘗謂拜珠曰朕委卿以大任者以乃祖穆呼哩從太祖開拓土宇安圖相世祖克成善治也

卿念祖宗令聞豈有不盡心者乎拜珠再拜曰陛下委臣以大任臣有所畏者三畏辱祖宗畏天下事大識見

有所未盡畏年少不克負荷無以上報聖恩耳壬午遣咒師多爾濟往牙濟班十二國取佛經癸未製御

服珠袈裟 甲申敕纂修仁宗實錄后妃功臣傳 乙

酉寶集寺金書西番般若經成置大內香殿 益壽安

山造寺役軍 巳丑大同路麒麟生 巳亥宦者博囉

特穆爾坐罪流紐爾干地 辛丑以特實克為御史大

夫佩金符領忠翊侍衛親軍都指揮使帝嘗謂特實克

曰徽政雖隸太皇太后朕視之與諸司同凡簿書宜悉

令御史檢覈 夏四月巳未造象駕金脊殿 戊辰敕

賜特們德爾父祖碑 命宦者博囉台為太常署令太

常官言刑人難與大祭遂罷之 五月丙子毀上都回

回寺以其地營帝師殿 壬午遷武宗子親王圖卜特

穆爾舊倫圖帖睦兒今改於瓊州時特們德爾懷私固寵搆毀骨

肉諸王大臣莫不自危中政使耀珠舊倫咬住今改告托歡徹

爾等交通親王於是徙圖卜特穆爾遠居海南因禁日

者勿交通諸王駙馬掌陰陽五科者毋泄占候 辛卯

海漕糧至直沽遣使祀海神天妃 倫行殿於縉山流

杯池 乙未命世家子弟成童者入國學 辛丑太常

禮儀院進太廟制圖御史翰林太常臣集議以為前代

廟室多寡不同晉則兄弟同為一室正室增為十四間

東西各一間唐九廟後增為十一室宋增室至十八東

西夾室各一間以藏祧主今太廟雖分八室然兄弟為

祀天妃始見

象駕殿舊象  
脊乘行者

世止六世而已。世祖所建前廟後寢，往歲寢殿災，請以今殿爲寢，別倫前廟十五間，中三間通爲一室，以奉太祖神主，餘以次爲室。庶幾情文得宜，帝稱善。期以來歲營之。六月癸卯朔，日有食之。倫金浮屠於上都，藏佛舍利。乙卯，以特們德爾領宣政院事。丁巳，以前中書參知政事敬儼爲陝西行臺御史中丞。儼告病，家居，以其鄉在近圻，恐復徵用，乃徙居淮南。雖親故皆不接見，至是聞命，堅辭不赴。辛酉，太白經天。趙宏祚等言事，勒歸田里，仍禁妄言時政。己巳，渾河溢，被災者二萬三千五百戶。秋七月戊寅，通州潞縣榆棗水


決。庚辰，滹沱河及巨馬河溢。邵陽道士劉志先以妖術謀亂，命樞密院判官章台捕之。乙酉，大雨，渾河隄決。丙申，禁服色踰制。庚子，修上都城。八月壬寅，修大都城。戊申，上都鹿頂殿成。庚戌，以軍士貧乏，遣知樞密院事特們布哈整治，仍詔諭中外，有敢擾害者，罪之。乙卯，中書平章政事特穆爾圖舊倫鐵木兒脫今改罷爲上都留守。壬戌，帝駐蹕興和，左右以寒甚，請還京師。帝曰：兵以牛馬爲重，民以稼爲本，朕遲留，蓋欲馬得芻牧，民得刈獲，一舉兩得，何畏乎寒。雷州路海康、遂溪二縣海水溢，壞民田四千餘頃，免其租。秦州成

紀縣山崩。九月壬辰，中書平章政事塔斯哈雅坐受  
 賊杖免。丁酉，帝至自上都。庚子，安陸府漢水溢，壞  
 民田，賑之。冬十月辛丑朔，修佛事於大內。庚戌，親  
 享太廟，以中書左丞相拜珠亞獻，御史大夫特實克終  
 獻。壬子，拜珠獻嘉禾兩莖同穗。癸丑，敕翰林集賢  
 官年七十者毋致仕。延祐間，朔漠大風，羊馬駝畜盡  
 死，蒙古人民流散，以子女鬻於回回漢人爲奴婢，拜珠  
 以興王根本之地，其民宜加賑恤，請立宗仁衛，統之，命  
 縣官贖置衛中，以遂生養，詔從之。且令給子女冬衣。  
 禁中書掾曹毋洩機事。己巳，遣雅克特穆爾巡邊雅

克特穆爾，綽和爾第三子也。時爲左衛親軍都指揮使。  
 十一月乙亥，幸大護國仁王寺。戊寅，羣臣上尊號。  
 曰：繼天體道敬文仁武大昭孝皇帝。己卯，詔天下拜珠  
 請釋囚，不允。庚辰，益壽安山寺役卒三千人。辛巳，  
 命御史大夫特實克領左右阿蘇衛。初，世祖立阿蘇巴  
 圖達魯噶齊，後招集阿蘇軍三千七百餘人，扈從車駕。  
 掌宿衛禁城，兼營潮河蘇沽兩州屯田，併供給軍儲。本  
 隸前後二衛。武宗至大初，始改立左右衛。阿蘇親軍都  
 指揮使司至是以特實克領之。丙申，敕立故丞相安

圖碑於保定新城。

攷異元文類載元明善所撰碑文云  
 碑建大都良鄉之通達與元史倫新



城者微異錢辛楸曰初擬立石良鄉後乃定於新城也其地名高碑店蓋以碑得名距涿州三十里實新城西境北右丞相特們德爾廣樹朋黨凡不附已者必以事

去之尤惡平章王毅右丞高昉因在京諸倉糧儲失陷欲奏誅之左丞相拜珠密言於帝曰論道經邦宰相事也以金穀細務責之可乎帝然之俱得不死特們德爾忌拜珠方正毋與其黨密謀中害之左右得其情乘間以告且請備之拜珠曰我祖宗為國元勳世篤忠貞百有餘年我今年少叨受寵命蓋以此耳大臣協和國之利也今以右相讐我我求報之非特吾二人之不幸亦國家之不幸吾知盡吾心上不負君父下不負士民而已死生禍福天實鑒之汝輩勿復言至是奉詔往新城為其祖立碑特們德爾久稱疾聞拜珠行將出蒞省事入朝至內門帝遣蘇蘇舊倫速賜之酒且曰卿年老宜自愛待新年入朝未晚遂怏怏而還辛丑立伊奇哩舊倫亦啓氏為皇后遣攝太尉中書右丞相特們德爾

持節授玉冊玉寶庚戌倫太廟正殿甲寅幸西僧灌頂寺疏玉泉河甲子命帝師往西番受具足戒賜金千三百五十兩銀四千五十兩幣帛萬匹鈔五十萬貫以諸王錫濟伯使者數入朝發兵守北口及盧溝橋乙丑置中瑞司冶銅五十萬觔倫壽安山寺佛

像。特們德爾雖家居，其黨布列朝中，事必稟於其家。以拜珠故，不得大肆其奸。百計傾之，終不能遂。在京倉曹管庫之職，歲終例應注代。時左丞張思明稱疾不出，眾皆顧望。拜珠以事不可緩，乃日坐省中，謂僚屬曰：「左丞病省事，遂廢乎？」郎中李處恭曰：「金穀之職，須慎選擇，不得其人，未敢遽擬。」拜珠曰：「汝爲賣官之計耳。」遣人善慰思明，思明乃出。其畢銓事。是歲集賢侍講學士李孟卒。孟旣罷政，左遷。嘗語人曰：「老臣待罪中書，無補於國。聖恩寬宥，不奪其祿。今老矣，其何以報稱？」帝聞而善之，恩意稍加。及卒，御史累章辨其誣，詔復元官，贈舊學。

同德翊戴輔治功臣進封魏國公諡文忠。樞密院副

使吳元珪與知樞密院事特穆爾布哈上軍民之政十餘事，大抵言諸王近侍不可干軍政，管軍官吏不可漁取軍戶，軍官之材者當遷其職，有司賦役當務均一，而軍民不可有所偏，軍官襲職惟傳嫡嗣，而支庶不可有所亂。帝竝嘉納，詔施行之。以右侍儀兼修起居注星吉爲監察御史，星吉河西人，少給事仁宗潛邸，以精敏稱。故帝擢用之。在臺中直聲大著。

至治二年春正月庚午，廣太廟。甲戌，禁漢人執兵器出獵及習武藝。丁丑，親祀太廟，始備法駕，設黃麾大

仗帝服通天冠絳紗袍出自崇天門左丞相拜珠攝太尉以從帝顧拜珠曰朕用卿言舉行大禮亦卿所共喜也對曰陛下以帝王之道化成天下非獨臣之幸實四海蒼生所共慶也致齋大次行酌獻禮升降周旋儼若素習中外肅然明日還宮拜珠率百官稱賀於大明殿執事之臣及導駕耆老賜金帛有差拜珠又奏建太廟前殿議行祫禘配享等禮 戊寅敕有司存恤孔氏子孫貧乏者 辛巳敕臺憲用人勿拘資格 儀封縣河溢傷稼賑之 癸未流徽政院使羅源於耽羅 柳林行殿成 癸巳以西僧羅藏爲司徒 二月庚子置左右奇徹衛親軍都指揮使司命拜珠搃之 罷上都歇山殿及帝師寺役 辛丑賜特實克父祖碑 甲寅以太廟役軍造流杯池行殿 乙卯以西僧有疾釋大辟囚一人答罪二人 三月己巳朔左丞相拜珠以學校政化大源似緩實急而主者不務盡心遂致廢弛請令中書平章政事廉恂參議中書省事張養浩都事富珠哩獅董之外郡學校仍命御史臺翰林院國子監同議興舉從之 辛未禁捕天鷲違者籍其家 丙子罷京師諸營繕役卒四萬餘人 河間河南陝西十二郡春旱秋霖民饑免其租之半 戊寅修大都城 庚辰敕



江浙僧寺田除宋故有永業及世祖所賜者餘悉稅之  
丙戌復置市舶提舉司於泉州慶元廣東三路禁女  
子金銀絲綿下番 丁亥鳳翔道士王道明以妖言伏  
誅 己丑命有司建穆呼哩祠於東平仍樹碑 以國  
用匱竭停諸王賞賚及皇后歲賜 庚寅命將倫院夏  
製冕旒 辛卯監察御史何守謙坐贓杖免 丁酉幸  
柳林騎馬許訥之子蘇拉訴曰臣父謀叛臣母私從人  
帝曰人子事親有隱無犯今有過不諫乃復告訐命誅  
之 帝從容謂拜珠曰朕思天下之大非朕一人思慮  
所及汝爲朕股肱毋忘規諫以輔朕之不逮拜珠頓首

子訐父叛母私殺之  
是也

謝曰管堯舜爲君每事詢眾善則舍己從人萬世稱聖  
桀紂爲君拒諫自賢悅人從己好近小人國滅而身不  
保民到於今稱爲無道之主臣等仰荷洪恩敢不竭忠  
以報然凡事言之則易行之則難臣等不言則臣之罪  
也又嘗謂拜珠曰今亦有如唐魏徵之敢諫者乎對曰  
槃圓則水圓孟方則水方有太宗納諫之君則有魏徵  
敢諫之臣或言佛教可治天下者帝問之對曰清淨寂  
滅自治可也若治天下舍仁義則綱常亂矣帝皆嘉納  
之 夏四月戊戌朔帝如上都中書左司都事富珠哩  
獅從帝次龍虎臺丞相拜珠命獅傳旨中書獅行數步

還曰命狝傳否拜珠歎曰真謹飭人也間謂狝曰爾可  
倫宰相否狝對曰宰相固不敢當然所學宰相事也夫  
為宰相者必福德才量四者皆備乃足當耳拜珠大悅  
以酒觴狝曰非公不聞此言 乙丑中書省臣請節賞  
賚以紓民力帝曰朕思所出倍於所入出納之際卿輩  
宜慎之朕當撙節其用 五月己巳修滹沱河隄 庚  
午奉符臨邑二縣民謀逆其守王驢兒伏誅餘杖流之  
庚辰收養蒙古子女遣使諭四方匿者罪之 癸未  
置仁宗蒙古侍衛親軍都指揮使司以拜珠領其事  
甲申帝幸五臺山拜珠曰自古帝王得天下以得民心

為本失其心則失天下錢穀民之膏血多取則民困而  
國危薄斂則民足而國安帝曰卿言甚善朕思之民為  
重君為輕國非民則何以為君今理民之事卿等當熟  
慮而慎行之 甲申以吳全節為元教大宗師特進上  
卿 閏月戊戌封諸葛忠武侯為威烈忠武顯靈仁濟  
王 癸卯禁白蓮佛事 甲辰御史臺請黜監察御史  
不稱職者以示懲勸從之 戊申以特們德爾子同知  
樞密院事拜坦知樞密院事 壬子倫紫檀殿 丙寅  
辰州沅陵縣洞蠻為寇遣兵捕之 敕已除不赴任者  
奪其官 六月丁卯朔帝至五臺山禁扈從宿衛毋踐

民禾 癸酉申禁日者妄談天象 丙子修渾河隄

壬午辰州江水溢壞民廬舍 是月前翰林學士承旨

趙孟頫卒追封魏國公諡文敏 秋七月丁未賜拜珠

平江田萬畝拜珠辭曰陛下命臣釐正庶務若先受賜

田人其謂我何帝曰汝勲舊子孫加以廉慎人或援例

朕自諭之 帝自五臺還戊午次應州 辛酉次渾源

州拜珠奏召中書左丞張思明至數其罪杖而免之籍

其家攷異元史張思明傳云拜珠與特們德爾各樹朋

不支蒙古子女口糧餓死四百人遂廢於家拜珠傳云

特們德爾引張思明以助已思明為盡力忌拜珠與其

黨謀中害之此采兩家碑誌以入傳然拜珠以忠死而

特們德爾為權倖觀其所與則思明之為人可知矣今

從紀 八月己巳道州寧遠縣民符翼軫倫亂有司討擒

之 甲戌帝次奉聖州築宗仁衛營 帝畱意民事戊

寅詔畫蠶麥圖於鹿頂殿壁以時觀之 庚辰增壽安

山寺役卒七千人 庚寅太師中書右丞相特們德爾

卒於家命給直市葬地 九月丙辰太皇太后鴻吉哩

氏崩 庚申敕停今冬祀南郊 癸亥地震 甲子倫

層樓於涿州鹿頂殿西 冬十月丁卯朔太史院請禁

明年興倫土工從之 戊辰享太廟先是太常奏國哀

以日易月旬有二日外乃舉祀事帝曰太廟禮不可廢

迎香去樂可也至是以廟工未畢妨陳宮縣止用登歌

丙子江南行臺御史大夫托克托坐請告未得旨輒去職杖謫雲南從御史大夫特實克奏也 甲申建太祖神御殿於興教寺 巳丑以中書左丞相拜珠爲右丞相監修國史帝欲奪以三公懇辭遂不置左相獨任以政參議中書省事王結言於拜珠曰爲相之道當正巳以正君正君以正天下除患不可猶豫猶豫恐生它變服用不可奢僭奢僭則害及於身拜珠深是之 治書侍御史索諾木罷爲翰林侍講學士特實克奏復其職帝不允 十一月甲午朔日有食之 巳亥以立右丞相詔天下流民復業者免差稅三年站戶貧乏鬻賣妻子者官贖還之凡差役造佗先科商賈末技富貴之家以優農力免陝西明年差稅十之三各處官佃田明年租之十二江淮創科包銀全免之 監察御史李端言近者京師地震日月薄蝕皆臣下失職所致帝自責曰是朕思慮不及致然因敕羣臣亦當修飭以謹天戒 罷世祖以後冗置官 括江南僧有妻者爲民 癸卯地震 甲辰罷徽政院丙午造龍船三艘 御史李端言朝廷雖設起居注所錄皆臣下聞奏事日上之言動亦宜悉書之以付史館世祖以來所定制宜著爲令使吏不得爲姦治獄者有所遵守竝從之 乙卯宣

德縣地震。初，浙民吳機以累代失業之田賣於司徒劉夔，夔賂宣政使巴喇吉斯買置諸寺，以益僧廩。矯詔出庫鈔六百五十萬貫，酬其直。田已久爲它人之業，特們德爾父子及特實克等上下蒙蔽分受之，爲贓巨萬。真人謝道泰以姦殺人，獄已成，特們德爾納其金，令有司變其獄。拜珠舉奏二事，命臺鞠察之，盡得其情。以田歸主，夔道泰、巴喇吉斯等皆坐死，竝籍其家。刑部尙書布達實哩坐受道泰金，范德郁坐詭隨竝杖免。特赦特實克。十二月甲子朔，南康建昌大水，山崩，死者四十七人，民饑，命賑之。丁卯，中書平章政事瑪嚕罷爲大司農，廉恂罷爲集賢大學士，以集賢大學士張珪爲平章政事。珪家居已久，帝召見於易水之上，曰：「四世舊臣，朕將畀卿以政。」珪辭歸，遣近臣設醴，拜珠問珪曰：「宰相之體何先？」珪曰：「莫先於格君心，莫急於廣言路。」時拜珠方欲召用致仕老臣，優其祿秩，議中書，遂首薦珪，起爲集賢大學士。至是復拜平章，侍宴萬壽山，賜以玉帶。戊辰，以掌道教張嗣成、吳全節、藍道元各三授制命銀印，敕奪其二。癸未，以地震日食，敕廷臣集議弭災之道。中書平章政事張珪抗言於坐，曰：「弭災當究其所，以致災者。漢殺孝婦，三年不雨，蕭楊賀冤死，獨非致沴。」

之端乎死者固不可復生而情義猶可昭白毋使朝廷終失之也。禁近侍奏取沒入錢物。丙戌賜淮安忠武王巴延祠祭田二十頃。西僧疾請釋囚。帝曰釋囚祈福豈爲師惜朕思惡人屢赦反害善良何福之有。宣徽院言世祖時輝吉喇歲輸尙倉羊二千成宗時增爲三千今請增五千帝不許曰天下之民皆朕所有如有不足朕當濟之若加重賦百姓必致困窮國亦何益命遵世祖舊制。是月兩江來安路總管岑世興葛蠻安撫司副使龍仁貴皆以其地佗亂柔遠州洞蠻把者爲寇竝遣兵討捕之。是歲山北廉訪司經歷許有仁遷江南行臺監察御史行部廣東以貪墨劾罷廉訪副使哈質蔡衍至江西會廉訪使苗好謙監焚昏鈔檢視鈔者日至百餘人好謙恐其有弊痛鞭之人畏罪率剔真爲僞以迎其意管庫吏而下撈掠無全膚訖莫能償有壬覆視率真物也遂釋之凡勢官豪民有壬悉擒治以法部內肅然。甘肅歲糴糧於蘭州多至二萬石距寧夏各千餘里至甘州自甘州又千餘里始達伊集納路而寧夏距伊集納僅千里至是行省平章柰瑪台令輓者自寧夏徑趨伊集納歲省費六十萬緡柰瑪台穆呼哩五世孫也性明果善斷所至有治聲。

至治三年春正月癸巳朔以禹城縣去秋霖雨縣人邢著程進出粟以賑饑民命旌其門 己亥思明州盜起湖廣行省督兵捕之 庚子刑部尙書烏訥爾坐賊杖免 壬寅以行省平章政事復兼總軍政軍官有罪重者以聞輕者就決 罷上都雲州興和宣德蔚州奉聖州及雞鳴山房山黃蘆三义諸金銀冶聽民采鍊以十分之三輸官 起前樞密院副使吳元珪王約爲集賢大學士翰林侍講學士韓從益爲昭文館大學士並商議中書省事丞相拜珠又言前集賢侍講學士趙居信直學士吳澄皆有德老儒請徵用之帝喜曰卿言適副

朕心更當使訪山林隱逸之士遂以居信爲翰林學士承旨澄爲學士王約年老俾以其祿家居每日一至中書時政多所參酌 帝嘗謂臺臣曰朕淡居九重臣下奸貪民生疾苦豈能周知故用卿等爲耳目曩者特們德爾貪蠹無狀汝等拱默不言其人雖死宜籍其家以懲後也辛亥申命御史大夫特實克振舉臺綱詔諭中外 壬子遣回回礮手萬戶赴汝寧新蔡遵世祖舊制教習礮法 靜江邕柳諸郡獠爲寇命湖廣行省督兵捕之 丙辰泉州民畱應總倫亂命江浙行省遣兵捕之 辛酉禁故殺子孫誣平民者 初四川行省平章

政事趙世延爲其弟訟不法事繫獄待對其弟逃去特  
們德爾必欲殺之有司承望風旨數脅令自裁世延終  
不爲動至是丞相拜珠爲言其無罪詔釋之仍著令原  
告逃百日不出則釋待對者 二月癸亥朔倫上都華  
嚴寺帝師帕克斯巴寺及丞相拜珠第役軍六千二百  
人 定軍官襲職嫡長子孫幼者令諸兄弟攝之所受  
制敕書權襲以省爭訟 丙寅翰林國史院進仁宗實  
錄進前數日監修拜珠詣國史院聽讀首卷書大德十  
年事不書左丞相哈喇哈斯定策功惟書越王圖喇勇  
決拜珠從容謂史官曰無左丞相雖百越王何益錄鷹  
犬之勞而略發蹤指示之人可乎立命書之其它筆削  
未盡然者一一正之人皆服其卓職 己巳修廣惠河  
牖十有九所治野狐桑乾道 癸酉畋於柳林帝顧謂  
拜珠曰近者地道失寧風雨不時豈朕纂承大寶行事  
有闕歟對曰地震自古有之陛下自責固宜亦由臣等  
失職不能變理帝曰朕在位三載於兆姓萬物豈無乖  
戾之事卿等宜與百官議有便民利物者朕卽行之  
拜珠患法制不一有司無所守請詳定舊典以爲通制  
於是命樞密副使完顏納坦集賢學士侍御史曹伯啓  
纂集累朝格例而損益之書成辛巳奏上凡二千五百

識



三十九條名曰大元通制頒行天下伯啓言五刑者刑異五等今黥杖徒役於千里之外百無一生還者是一人身備五刑非五刑各底於人也法當改易丞相雖是之而不果行 丙戌雨土 造五輅旗 丁亥敕金書藏經二部命拜珠等總之 戊子封鷹師布哈舊倫不花今改爲趙國公 辛卯以太子賓客巴圖廉貧賜鈔十萬貫 三月壬辰朔帝如上都 丁酉平江路嘉定州饑發粟六萬石賑之 丁酉西番參卜郎諸族叛敕鎮西武靖王綽斯監等發兵討之 戊申耐太皇太后於順宗廟室上尊諡曰昭獻元聖皇后 辛亥以圓明王道之

亂禁僧道度牒符籙 丙辰敕醫卜匠官居卷不得去

職七十不聽致仕子孫無蔭敘能紹其業者量材錄用

監察御史拜珠嘉琿坐舉巴斯爾濟蘇失當竝黜免

夏四月壬戌朔敕天下諸司命僧誦經十萬部 丁

卯旌內黃縣節婦王氏 己巳浚金河水 甲戌敕都

功德司庫爾嚕至京師釋囚大辟三十一人杖五十七

以上者六十九人放籠禽十萬命有司償其直 己卯

詔行助役法遣使考視稅籍高下出田若干畝使應役

之人更掌之收其歲入以助役費官不得與 五月庚

子大風雨雹柳林行宮大木盡拔 辛丑以特克實獨

署御史大夫事。戊申，監察御史蓋繼元、宋翼言：「特們德爾姦貪負國，生逃顯戮，死有餘辜。乃命毀所立父祖碑，并追官爵及封贈制書，籍沒其家資，告諭中外。」帝御大安閣，見太祖世祖遺衣，皆以縑素木棉爲之，重加補綴，嗟歎良久。謂世臣曰：「祖宗創業艱難，服用節儉，乃如此，朕焉敢頃刻忘之。」戊午，奉元行宮正殿災。上都利用監庫火，帝命衛士撲滅之。因語羣臣曰：「世皇始建宮室於今安焉，至朕而毀，實朕不能圖治之故也。奇徹衛兵戍邊，有卒累功，請賞以官。」帝曰：「名爵豈賞人之物，賜鈔三千貫。」六月，寇圍寧都州，民孫王臣出糧餉軍。

旌其門。丁酉，西番參卜郎諸寇未平，遣徽政使丑嚕往督師。壬申，將倫院使哈撒布哈坐罔上營利，杖流之，籍其家。畱守司以雨請修都城，詔以不宜大興土功，其略完之。癸酉，太常請纂修累朝儀禮，從之。乙酉，諸王錫伯數寇邊，至是遣使來降。帝曰：「朕非欲彼土地人民，但吾民不罹邊患，軍士免於勞役，斯幸矣。今旣來降，當厚其賜以安之。」秋七月辛卯朔，宣政使奇徹台自傳旨署事中書，以體制非宜，請通行禁止，從之。癸卯，太廟成，前殿十有五間，東西二門爲夾室，南向。知樞密院事拜坦坐臧杖免。乙巳，招諭左右兩江黃

勝許岑世興。已酉，丞相拜珠以海運糧視世祖時頓增數倍，今江南民力困極而京倉充滿，請歲減二十萬石。帝遂併特們德爾增科江淮糧免之。丙辰，御史臺請降旨開言路。帝曰：言路何嘗不開，但卿等選人未當耳。朕知嚮所劾者，率由宿怨羅織成獄，加之以罪，遂玷其人，終身不復伸。御史嘗舉巴爾濟蘇可任大事，未幾以貪墨伏誅。言路遷人當乎否乎？時特們德爾兩子俱獲罪，毀碑籍貲，明致其罰。帝方委任拜珠，以進賢退不肖為急務。特克實以姦黨不自安，而帝又屢飭臺臣以阿比特們德爾之事。特克實由是益懼。是月，冀寧與

和，大同三路隕霜。帝在上都夜寐不寧，命佗佛事拜珠以國用不足諫止之。既而姦黨懼誅者，復陰誘羣僧言國當有厄，非佗佛事而大赦，無以禳之。拜珠叱曰：爾輩不過圖得金帛而已，又欲庇有罪耶？姦黨聞之，知必不免，遂萌逆圖。八月辛酉，晉王獵於圖喇之地。特克實遣烏魯斯舊佗幹羅告曰：我與哈克繖額森特穆爾舊佗先帖木實達爾舊佗失禿謀已定，事成推立王為皇兒。今改。帝又令烏魯斯以其事告晉王之內史都爾蘇舊佗刺沙。今改。且言汝與巴蘇呼舊佗馬速知之，勿令舒瑪爾節舊佗旭邁傑得聞也。晉王命囚烏魯斯，遣巴勒密實特等赴

上都以逆謀告改異元史泰定紀云王府內史都爾蘇

克織事丞相拜珠且入宿衛久之哈克織歸言御史大

夫特克實意相忤欲傾害之至治三年三月宣徽使哈

坦來王邸為都爾蘇言主上將不容於晉王之臣素

於心也紀又云特克實遣烏魯斯來告事成推立王

為皇帝於是王命囚烏魯斯遣巴勒密實特以逆謀告

天遣人告逆謀則晉王素非預謀者矣紀文前後自相

矛盾蓋為天歷詔書所惑也天歷欲得大位不得不加

泰定以惡名不盡當時實事也元史拜珠傳祇言晉王

遣人以逆謀告而不言其偵伺及淡相要結當得其實

傳今從帝南還癸亥駐蹕南坡晉王之使未至是夕特克

實額森特穆爾實達爾與前中書平章政事齊勤特穆

爾舊倫赤斤鐵前雲南行省平章政事鄂勒哲舊倫完

特們德爾之子前治書侍御史索諾木特克實之弟宣

徽使索諾木典瑞院使託和齊舊倫托火樞密院副使

阿薩爾舊倫阿簽書樞密院章岱舊倫章衛士圖們舊

禿滿今改及諸王額特布哈舊倫按梯博囉舊倫孛伊魯特

穆爾舊倫尹魯帖庫庫布哈舊倫曲呂烏魯斯布哈舊

兀魯思不等以特克實所領阿蘇衛兵為外應殺右丞

花今改相拜珠而特克實直犯禁幄手弑帝於卧所年二十一

從葬諸帝陵帝性剛明嘗以地震減膳徹樂避正殿有

近臣稱觴以賀問何為賀朕方修德不暇汝為大臣不

能匡輔反為諂耶斥出之嘗戒羣臣曰卿等居高位食

厚祿當勉力圖報苟或貧乏朕不憚賜汝若為不法則

必刑無赦巴爾濟蘇下獄謂左右曰法者祖宗所制非  
 朕所得私巴爾濟蘇雖事朕日久今有罪當論如法嘗  
 御鹿頂殿謂拜珠曰朕以幼冲嗣承大業錦衣玉食何  
 求不得惟我祖宗櫛風沐雨戡定萬方曾有此樂耶卿  
 元勲之裔當體朕至懷毋忝爾祖拜珠頓首謝曰創業  
 維艱守成不易陛下言及此億兆之福也又謂大臣曰  
 中書選人署事未旬日御史臺即改除之臺除亦然今  
 山林之士遺逸良多卿等不能盡心求訪惟以親戚故  
 舊更相引用耶其明斷如此然以果於刑戮奸黨懼誅  
 遂搆大變云張珪在大都聞南坡之變密言於監省

魏王庫庫圖

舊作徹徹  
禿今改

曰我世為國忠臣不敢愛死事

已如此大統當在晉邸我有密書陳誅逆定亂之宜非  
 王莫敢致庫庫圖曰公誠忠萬一事泄得無危乎珪曰  
 事成王之功不成吾家甘齏粉萬死不敢以言累王庫

庫圖乃遣人達珪書於晉王且勸進

攷異虞集撰張珪  
墓志銘備載其達

書晉王之事而元史本傳刪之修元史者承天歷下詔  
 之後似於泰定之宜立與否尚疑而未定也錢辛楣曰  
 湯陰縣有增修扁鵲廟記石刻其云皇太孫梁王者晉  
 王噶瑪喇世祖之孫裕宗之長子時以梁王出鎮雲南  
 故云開府西南海也元初諸王之通稱太子然不得  
 稱皇太子以示別也噶瑪喇以嫡長孫稱皇太孫是當  
 時固有儲貳之望其後讓國成宗邊守藩服有吳泰伯  
 風故至治之末中外推戴晉王無異言及天歷千位乃  
 倡言晉王不宜立誣罔之詞難以取信於天下後世矣  
 按錢說所引皇太孫最為確據今併載張珪之言以存

元初諸王之通稱  
太子故先是有太  
子之稱

當日之公論云諸王額特布哈舊倫按梯不花今改及額森特穆爾舊倫

也先帖木兒今改奉皇帝璽綬北迎晉王於鎮所癸巳晉王即

皇帝位於龍居河大赦天下是日以知樞密院事額森

特穆爾為中書右丞相以內史都爾蘇為中書平章政

事柰曼台為中書右丞御史大夫特克實知樞密院事

博囉為宣徽院使舒瑪爾節為宣政院使乙未以樞

密副使阿薩爾為御史中丞內史善僧為中書左丞

丁酉以鄂勒哲知樞密院事圖們同簽樞密院事戊戌

以薩迪密實知樞密院事章台同知樞密院事己亥

敕諭百司凡銓授官遵世祖舊制惟樞密院御史臺宣

政院宣徽院得自奏聞餘悉由中書辛丑以瑪謨錫

知樞密院事實達爾為大司農召諸王屬流徙遠地

及還元籍者二十四人還京師冬十月癸亥修佛事

於大明殿特克實之變諸王邁努舊倫買奴今改逃赴潛邸

願效死力且言於帝曰不誅元凶則陛下善名不著天

下後世何從而知帝淡然之甲子以舒瑪爾節為中書

右丞相陝西行省左丞圖魯通政院使寧珠舊倫紐澤今改竝

為御史大夫蘇蘇為御史中丞遣使至大都以即位告

天地宗廟社稷命舒瑪爾節寧珠誅逆賊特克實實達

爾齊勤特穆爾託和齊章岱等於大都竝戮其子孫籍

沒家產。惟特們德爾子索諾木議遠流。張珪曰：索諾木從逆賊，親斫丞相拜珠，乃欲活之耶？初，特克實使齊勤特穆爾遠至京師，趣召兩院學士北上。翰林學士曹元用獨不行，曰：此非常之變，吾寧死不可曲從也。未幾，賊伏誅，人服其先見之明。壬申，以內史諸達庫爲太師，知樞密院事。癸未，以舒瑪爾節兼阿蘇衛達嚕噶齊八番順元及靜江大理威楚諸路徭兵爲寇，湖廣雲南二省招諭之。十一月己丑朔，帝次於中都，修佛事於昆剛殿。辛丑，車駕至大都。丁未，御大明殿，受諸王百官朝賀。初，特克實遣使至大都，封府庫，收百司印。監察御史許有壬知事急，卽往告中丞董中庸，守庸謂宮禁事非子所當問。有壬卽疏，守庸及經歷多爾濟班、監察御史郭額森呼都附、特克實之罪，以俟。及御史大夫寧珠至，有壬卽袖疏上之。辛亥，守庸坐黨特克實免官。壬子，敕營繕不急者罷之。癸丑，遣使詣曲阜以太牢祀孔子。敕會福院奉北安王納穆罕像於高梁河寺。祭道甲五福神。丙辰，御史中丞蘇蘇坐貪淫免官。丁巳，廣州路新會縣民汜長弟倫亂，廣東副元帥烏訥爾率兵捕之。詔凡有罪自首者原其罪。十二月己未，御史臺經歷多爾濟巴勒、御史徹里達漢烏

圖曼郭額森呼圖竝坐黨特克實免官 監察御史許  
有壬言曩者特們德爾專政誣殺楊多爾濟蕭拜珠賀  
勝觀音保索約勒哈迪密實鯨竄成珪李謙亨罷免王  
毅高昉張志弼而趙世延受禍尤慘天下咸知其冤請  
昭雪之存者召還錄用死者贈官有差 壬戌浚鎮江  
路漕河及練湖江浙行省言鎮江運河全藉練湖之水  
爲上源官司漕運及商賈農民來往其舟楫莫不由此  
宋時專設人夫以時修濬蓄潦水若運河淺阻開放  
湖水一寸則可添河水一尺近來淤淺舟楫不通凡有  
官物差民運遞甚爲不便委官相視疏治運河自鎮江  
路至呂城埧長百三十一里計役夫萬五百十三人六  
十日可畢又用三千餘人浚滌練湖九十日可完人日  
支糧三升中統鈔一兩詔從之以來春興工 戊辰追  
尊皇考晉王噶瑪拉日尅聖仁孝皇帝廟號顯宗妣晉  
王妃鴻吉哩氏曰宣懿淑聖皇后 庚午盜入太廟竊  
仁宗及莊懿慈聖皇后金主時參知政事瑪喇兼領太  
常禮儀使當遷左丞集賢大學士張珪曰太常奉祭祀  
不謹當待罪而反遷官何以謝在天之靈命遂格 甲  
戌命道士吳全節修醮事 乙亥太常院言世祖以來  
太廟歲惟一享先帝始復古制一歲四祭請裁擇之帝



曰祭祀大事也朕何敢簡其禮命仍四祭 監察御史  
 托克托趙成慶等言特們德爾在先朝包藏禍心離間  
 親藩誅戮大臣使先帝孤立卒罹大禍其子索諾木親  
 與逆謀久逃天憲宜正其罪以快元元之心伊魯托克  
 托呼薩敦皆特克實之黨不宜寬宥遂竝伏誅 丙子  
 命嶺北守邊諸王修佛事以卻寇兵 巳卯命僧佺佛  
 事於大內以厭雷 癸未流諸王伊魯特穆爾於雲南  
 額特布哈於海南庫魯克布哈於尼嚕罕舊佺奴兒  
干今改博  
 囉及烏魯斯布哈於海島竝坐與特克實逆謀也 乙  
 酉諭百司惜名器各遵世祖定制 丙戌舒瑪爾節言

宗戚之中能自拔逆黨盡忠朝廷者惟有諸王邁努請  
 加封賞以示激勸遂以泰寧縣五千戶封邁努為泰寧  
 王 丁亥議賞討逆功賜舒瑪爾節金銀鈔都爾蘇為  
 中書左丞相瑪謨錫寧珠索多舊佺鎮  
禿今改竝加授光祿大  
 夫 詔改明年元曰泰定 雲南花腳蠻為寇詔招諭  
 之

續資治通鑑卷第二百一

賜進士及第部尚書兼都察院右都御史總督湖北湖廣處地方軍務兼理糧餉襲二等輕車都尉墨沅纘

元紀二十 起闕逢困敦正月盡旃蒙赤奮若八月凡一年有奇

泰定帝

諱伊蘇特穆爾顯宗噶瑪拉之長子裕宗

以噶瑪拉封晉王代鎮北邊至元十三年十月二十九日帝生於晉邸大德六年晉王薨帝襲封是

為嗣 晉王

泰定元年春正月乙未以柰曼岱 舊倫乃馬 為平章政

事善僧為右丞相 帝以元夕命有司於禁中張燈山

為樂監察御史趙師魯上言燕安怠惰肇荒淫之基奇

巧珍玩發奢侈之端張燈雖細事而縱耳目之欲則上

累日月之明帝遽命罷之仍賜上尊酒以嘉其忠直  
辛丑諸王大臣請立皇太子壬寅以故丞相拜珠子  
達勒瑪實哩爲宗人衛親軍都指揮使徹爾哈爲左右  
衛阿蘇親軍都指揮使自延祐末水旱相仍民不聊生  
及拜珠入相振立綱紀裁不急之務杜僥倖之門英宗  
倚之相與勵精圖治故天下晏然有樂生之心奸臣畏  
之卒構禍難特克實等旣伏誅帝乃詔有司備儀衛百  
官耆宿前導輿拜珠畫像於海雲寺大伦佛事觀者萬  
數無不歎愴泣下中書言拜珠盡忠效節殞於羣凶宜  
賜褒崇以光後世制贈清忠一德功臣太師上柱國追

封東平王諡忠獻復官其二子以長宿衛拜珠母齊喇

舊伦怯  
烈今改

氏年二十二寡居守節初拜珠爲太常禮儀使

方弱冠吏就第諸署事適在後圃閱羣戲母厲聲呵之  
曰官事不治若所爲豈大臣事耶拜珠深自克責一日  
入內侍晏英宗素知其不飲是日強以數杯旣歸母戒  
之曰天子試汝量故強汝飲汝當日益戒懼無酣於酒  
又嘗代祀睿宗原廟歸母問之曰眞定官府待汝若何  
對曰所待甚重母曰彼以天子威靈汝先世勲德故耳  
汝何有焉拜珠之賢母之教也後封東平王夫人命  
僧諷西番經於天光殿甲辰敕譯列聖制誥及大元

通制刊本賜百官。戊申八番生蠻來附置長官司以撫之。己酉命諸王遠徙者悉還其部召親王圖卜特穆爾於瓊州阿穆爾克於大同初英宗在上都謂拜珠曰朕兄弟實相友愛曩以小人譖愆俾居遠方當亟召還明正小人離間之罪未及召而遇弒至是帝悉召之甲寅敕高麗王王璋歸國璋嘗請於仁宗降御香南游江浙至寶陀山而還及英宗即位復請降香於江南許之行至江南遣使急召令騎士擁逼以行璋侍從皆奔竄還至京師命中書省護送本國安置璋遲留不即發英宗下璋於刑部既而祝髮置之石佛寺尋又流璋

於吐蕃帝即位以大赦得還至是命璋還本國仍歸其

潘王印

攷異元史高麗傳載潘王璋事至為疎畧江南有圓通寺碑刻於延祐六年即璋南遊江浙時所篆也元史倫章碑文從王倫璋今從碑文至璋留京師及泰定二年卒後諸事俱從鄭仁趾高麗史增載

丙辰賜故監察御史觀音保索約勒哈迪密實妻子

鈔各千錠 敕封解州鹽池神曰靈富公 賑廣德諸

州饑 虞集赴召至京師除國子司業尋遷秘書少監

翰林侍講學士袁桷辭歸許之桷嘗請購求遼金宋

三史遺書為議以上所列應采之書最為該博時不能

用 二月丁巳朔作顯宗影堂 己未修西番佛事於

壽安山僧四十人三年乃罷 庚申監察御史傅巖起

李嘉賓言遼王托克托乘國有隙誅屠骨肉其惡已彰恐懷疑貳如令歸藩譬之縱虎出柙請廢之別立近族以襲其位不報甲子伦佛事命僧八百人及倡優百戲導帝師游京城先是英宗在上都使左丞蘇蘇召翰林吳澄撰金字藏經序澄曰主上寫經祈福甚盛舉也若用以追薦臣所未知蓋福田利益雖人所樂聞而輪迴之事彼習其學者猶或不言不過謂爲善之人死則上通高明其極品與日月齊光爲惡之人死則下淪汙穢其極下則與沙蟲同類其徒遂爲薦拔之說以惑世人今列聖之神上同日月何庸薦拔且國初以來寫經

追薦不知幾舉若未效是無佛法矣若已效是誣其祖矣撰爲文辭不可以示後世請俟駕還奏之會南坡之變事得寢及帝卽位佛事益盛舊制臺憲歲各舉守令推官二人有罪連坐至是言其不便庚午命中書復於常選擇人用之壬申上大行皇帝尊謚曰睿聖文孝皇帝廟號英宗國語曰格根舊伦格堅今改皇帝太甲戊浙江行省左丞趙簡請開經筵及擇師傅令太子及諸王大臣子孫學遂命平章政事張珪翰林學士承旨呼圖魯圖爾密實學士吳澄集賢直學士鄧文原以帝範資治通鑑大學衍義貞觀政要等書進講復敕右丞相額

森特穆爾

舊倫也先鐵木兒今改

領之文原尋以疾致仕歸丁

丑監察御史宋本言逆賊特克實等雖伏誅其黨樞密

副使阿薩爾

舊倫阿散今改

身親弑逆以告變得死竄嶺南

請早正天討先是太廟仁宗室主為盜竊去久而未獲

本言在法民間失盜捕之違期不獲猶治罪太常失典

守及在京應捕官皆當罷去又言中書宰執日趨禁中

固寵苟安兼旬不至中堂壅滯機務宜戒飭臣僚自非

入宿衛日必詣所署治事皆不報 戊寅監察御史李

嘉賓劾逆黨左阿蘇衛指揮使圖特穆爾罷之 賑紹

興諸路饑 先是至治末詔倫太廟議者習見同堂異

室之制乃倫十三室未及遷奉而國有大故有司疑於

昭穆之次命集議之吳澄議曰世祖混一天下悉攷古

制而行之古者天子七廟廟各為宮太祖居中左三廟

為昭右三廟為穆神主各以次遞遷其廟之宮頗如今

之中書六部夫省部之設亦倣金宋豈以宗廟敘次而

不放古乎時有司以急於行事竟如舊制云 國學舊

法每以積分次第貢以出官執政用監丞張起巖議欲

廢之而以推擇德行為務中書左司員外郎許有壬折

之曰積分雖未盡善然可得博學能文之士若曰惟德

行之擇其名固嘉恐皆厚貌淡情專意外飾或惜不能

識一丁矣。三月丁亥朔，罷徽政院，立詹事院。以同

知宣政院事楊廷玉為中書參知政事。攷異：楊居仁參知政事，以代王

居仁也。紀不書王居仁之罷，今畧之。以祕書少監虞集為禮部攷試官。

初集與元明善劇論，以相切劘。明善言集治諸經，惟程

朱諸儒傳註耳。自漢以來，先儒所嘗盡心者，攷之殊未

博，集初不相下。後以明善之言為然，每見明經之士，即

以其言告之。至是謂同列曰：國家科目之法，諸經傳注

各有所主者，將以一道德同風俗，非欲使學者專門擅

業。如近代五經學究之固陋也。聖經深遠，非一人之見

可盡，試藝之文，惟其高者取之，不必先有主意。若先定

主意，則求賢之心狹，而差自此始矣。後兩為攷官，率持

是說，故所取每稱得人。戊戌，廷試進士，賜巴喇張益

等八十四人及第出身。會試下第者，亦賜教官。有差

庚子，以四川行省平章政事囊嘉岱兼宣政院使，往征

西蕃。丙午，御大明殿，冊巴拜哈斯舊倫巴不罕，今改。氏為皇

后。皇子喇實晉巴舊倫阿速吉，今改。為皇太子。己酉，以皇子

巴的瑪伊爾克布嗣封晉王。泰寧王邁努卒，以其子

策璘沁多爾濟嗣。庚戌，監察御史宋本李嘉賓傳巖


起言：太尉司徒司空三公之職，濫假僧人及會福殊祥

二院竝辱名爵，請罷之，不報。以臨洮諸縣旱饑，賑之。

必言字詳便更精選  
虞集者為之僅得字  
訛而其辭之達不及  
一如我國信之譯其報  
可知世之治健者未能  
讀船末書曰坐是此校  
天花亂墜首可從可  
悲已

廣西橫州徭寇永淳縣 夏四月戊午廉恂罷為集  
賢大學士食其祿終身 己未以殊字詔賜帝師所居  
薩斯嘉部 庚申詔整飭御史臺 倫昭聖皇后御容  
殿於普慶寺 親王圖卜特穆爾還至潭州有詔止之  
居數月乃行 辛酉至上都賜車帳駝馬 甲子帝如上  
都以講臣多高年命虞集與侍讀學士王結執經以從  
集自是歲常在行經筵之制取經史中切於心德治道  
者用國語漢文兩進讀潤譯之際患夫陳聖學者未易  
盡其要指時務者難於極其情每選一時精於其學者  
為之猶數日乃成一篇集為反復古今名物之辨以通

之然後得以無訛其辭之所達萬不及一則未嘗不逞  
而竊歎也 發兵民築渾河隄 辛未月食既 癸酉  
以太子詹事圖們特爾舊倫禿滿迭兒今改為中書平章政事攷  
宰相表倫五 甲戌命咒師倫佛事以厭雷 庚辰以  
月今從紀 風烈月食地震手詔戒飭百官竝令大都守臣集議以  
聞王結昌言於朝曰今朝廷君子小人混淆刑政不明  
官賞太濫故陰陽錯謬咎徵薦臻宜修政事以弭天變  
時宿衛士自北方來者復遣歸乃百十為羣剽劫殺人  
桓州道中既逮捕舒瑪爾節舊倫旭邁傑今改奏釋之蒙古千  
戶使京師宿邸中適民間朱甲妻女車過邸門千戶悅





失帝之全主而不獲  
千戶守金井車  
從者而不之問則其  
他可知

之并從者奪以入朱泣訴於中書舒瑪爾節庇不問於是國子監丞宋本復抗言特克實餘黨未誅仁廟神主盜未得桓州盜未治朱甲冤未伸刑政失度民憤天怨災異之見職此之由辭氣激奮眾皆聳聽 辛巳太廟新殿成 五月丁亥監察御史董鵬南劉潛等以災異上言平章柰曼台宣政院使特穆爾布哈詹事圖們達爾黨附逆徒身虧臣節太常守廟不謹遼王擅殺宗親布哈實里矯制亂法皆蒙寬宥甚為失刑宜定其罪以銷天變不允 己丑帝諭都爾蘇舊倫倒刺沙今改曰朕即位以來無一人能執法為朕言者知而不言則不忠且陷

人於罪繼自今凡有所知宜悉以聞使朕明知法度斷不敢自縱非獨朕身天下一切政務能守法以行則眾皆乂安反是則天下罹於憂苦矣又曰凡事防之於小則易救之於大則難爾其以朕言明告於眾俾知所慎 壬辰御史臺圖呼魯寧珠言御史奏災異屢見宰相宜避位以應天變可否仰自聖裁顧惟臣等為陛下耳目有徇私違法者不能糾察慢官失守宜先退避以授賢能帝曰御史所言其失在朕卿等何必遽爾圖呼魯又言臣已老病恐誤大事乞先退於是中書省臣烏溫都爾張珪楊廷玉皆抗疏乞罷丞相舒瑪爾節都爾蘇

言比者災異陛下以憂天下爲心反躬自責謹遵祖宗聖訓修德慎行敕臣等各勤乃職手詔至大都居守信臣皆引罪自劾臣等爲左右相才下識昏當國大任無所襄贊以致災祲罪在臣等所當退黜諸臣何罪帝曰卿若皆辭避而去國家大事朕孰與圖之宜各相諭以勉乃職 癸巳前翰林學士小雲石哈雅卒贈集賢學士追封京兆郡公謚文靖初議科舉事小雲石哈雅多所建明忽喟然嘆曰辭尊居卑咎賢所尙也今禁林清選與所讓軍資孰高人將議吾後矣乃稱疾辭還江南賣藥於錢塘市中詭姓名易服色人無有識之者 戊

午遷列聖神主於太廟新殿 辛丑循州徭寇長樂縣 丙午御史高奎上書請求直言辨邪正明賞罰帝善其言賜以鉞幣 己酉賓州民方二爲寇有司捕擒之 癸丑詹事丞回回請如裕宗故事擇名儒輔太子敕中書省臣訪求以聞回回博果密之子庫庫之兄也敦默寡言嗜學能文歷山南淮西河南廉訪使皆有政聲 中書平章政事張珪與樞密院御史臺翰林集賢兩院官極論當世得失與左右司員外郎宋文纘詣上都奏之其畧曰前宰相特們德爾奸狡險淡陰謀叢出專政十年始以賊敗諂附權奸實勒們及嬖幸額勒實班

之徒苟全其生尋任太子太師未幾仁宗賓天乘時幸變再入中書當英廟之初與實勒們等恩義相許表裏爲奸誣殺蕭楊等以快私怨天討元兇實勒們之黨既誅坐要上功遂獲信任諸子內布宿衛外據顯要蔽上抑下杜絕言路賣官鬻獄威福已出由是羣邪竝進如逆賊特克實之徒名爲義子實其心腹構成弑逆其子索諾木親與逆謀雖剖棺戮尸誅滅其家猶不足以蔽罪今復回給所籍家產諸子尙在京師黃緣再入宿衛世祖時阿哈瑪特貪殘敗事雖死猶正其罪況如特們德爾之奸惡者哉宜遵成憲仍籍特們德爾家產遠竄其子孫外郡以懲大奸特克實之黨結謀弑逆天下之人痛心疾首比奉旨諸王額特布哈等亦已流竄逆黨脇從者眾何可盡誅後之言事者其勿復舉臣等議古法弑逆凡在官者殺無赦聖朝立法強盜劫殺庶民其同情者猶且首從俱罪況弑逆之黨天地不容宜誅額特布哈之徒以謝天下遼王托克托位冠宗室居鎮遼東乘國家有變報復讐忿殺親王妃主百餘人分其羊馬畜產殘忍骨肉間者切齒今不之罪乃復厚賜放還臣恐國之綱紀由此不振且遼東地廣素號重鎮若使托克托久居彼旣縱肆將無忌憚況令死者含冤感傷

和氣宜削奪其爵土置之他所以彰天威武備御濟里  
舊倫即前太尉布哈以累朝待遇之隆俱致高列不思  
烈今改補報專務奸欺矯制令鷹師強收鄭國寶妻古哈刑曹  
逮鞫服實竟原其罪夫匹婦含冤三年不雨以此論之  
卽非細務宜以濟里布哈仍付刑曹鞫正其罪賈胡中  
賣寶物始自成宗分珠寸石售直萬金以經國有用之  
鈔而易此不濟饑寒之物大抵皆時貴與中貴之人妄  
稱呈獻冒給回賜高其價直且至十倍蠶蠹國財暗行  
分用宜下令禁止其累朝未酬寶價俟國用饒給日議  
之比者建西山寺損軍害民費以億萬計近詔雖罷之

又聞奸人乘間奏請復欲興修宜守前詔示民有信蕭  
拜珠楊多爾濟等枉遭誣陷籍其家以分賜人比奉明  
詔還給元業子孫奉祀家廟修葺苟完未及寧處復以  
其家財仍賜舊人止酬以直卽與再罹斷沒無異宜如  
前詔以元業還之量其直以酬後所賜者則人無冤憤  
矣額森特穆爾之徒遇朱太醫妻女過省門外強拽以  
入奸宄館所有司以扈從上都爲解竟勿就鞫宜遵世  
祖成憲以奸人付有司鞫之廣州東莞縣大步海及惠  
州珠池始自大德元年奸民劉進程連言利分蠶戶七  
百餘家官給之糧三年一采僅獲小珠五兩六兩入水

爲蟲魚傷死者眾遂罷珠戶爲民其後同知廣州路事  
塔齊爾等又獻利於實勒們創設提舉司監采廉訪司  
言其擾民復罷歸有司旣而內正少卿魏溫都爾冒啟  
中旨馳驛督采耗廩倉疲民驛非世祖舊制請悉罷之  
特克實弒逆之變學士布哈指揮布延呼里院使圖古  
思皆以無罪死特們德爾專權之際御史徐元素以言  
事鎖項死東平及賈圖沁布哈之屬皆未申理宜追贈  
死者優敘其子孫內外增置官署員冗俸濫白丁驟陞  
出身入流壅塞日甚軍民俱蒙其害宜悉遵世祖成憲  
凡至元三十年以後改陞創設員冗者悉減併除罷之  
自古聖君惟誠於治政可以動天地感鬼神未嘗徼神  
於僧道也至元三十年醮祠佛事之目止百有二大德  
七年再立功德使司積五百餘僧徒又復營幹近侍買  
佗佛事歲用鈔數千萬錠僧徒貪慕貨利養妻子彼行  
旣不修潔適足褻慢天神何以要福比年佛事愈繁累  
朝享國不永致災愈速事無應驗斷可知矣宜罷功德  
使司其在至元三十年以前及累朝忌日醮祠佛事名  
目止令宣政院主領修舉餘悉罷游惰之徒妄投宿衛  
部屬及宦者女紅太醫陰陽之屬不可勝數一人收籍  
一門蠲復一歲所請衣馬芻糧數十戶所徵入不足以

給之耗國損民爲甚宜如世祖時支請之數給之餘悉簡汰參卜郎盜始者劫殺使臣利其財物而已至用大師期年不戢傷我士卒費國貲糧宜遣良使抵巢招諭仍敕邊吏勿生事則遠人格矣世祖時淮北內地惟輸丁稅特們德爾爲相專務聚斂遣使括勘兩淮河南田土重併科糧又以兩淮荆襄沙磧倫熟收徵徼名興利農民流徙宜如舊制止徵丁稅其括勘之糧及沙磧之稅悉除之世祖左右之臣雖甚愛幸未聞無功而給一賞者比年賞賜泛濫蓋因近侍之人窺伺天顏嘉悅之際或稱乏財無居或稱嫁女娶婦或以技物呈獻遞互

奏請要求賞賜旣傷財用復啟倖門自今以後非有功勲勞效著明實跡不宜加以賞賜請著爲令議凡數千言辭甚剴切六月庚申珪至上都奏上帝不允珪復進曰臣聞日倉修德月倉修刑應天以實不以文動民以行不以言刑政失平故天象應之惟陛下矜察允臣等議悉行之帝終不能用 癸亥佺禮拜寺於上都及大 同路 丙寅遣使招諭西番 遣庫庫楚等詣高麗取 女子三十人 廣西左右兩江黃勝許岑世興乞遣其 子弟朝貢許之 丁卯大幄殿成 癸酉帝受佛戒於 帝師 已卯詔疏浚繫囚存恤軍士免天下和買雜役

三年。蠶戶差稅一年。遠仕瘴地身故不得歸葬。妻子流落者。有司資給遣還。仍著為令。雲南大地路。你囊為

寇。是月。大同。渾源。河真定。滹沱。河陝西。渭水。黑水。渠州。江水。皆溢。竝漂民廬舍。秋七月丙戌。思州平茶楊

大車。西陽州。冉世昌。寇小石耶凱。江等寨。調兵捕之。癸卯。罷廣州。福建等處。采珠。蠶戶。為民。仍免差稅一年。

丁未。中書省言。東宮衛士。先朝止三千人。今增至萬七千。請命。詹事院。汰去。仍依舊制。從之。戊申。以籍入

特們德爾。及子班坦。觀音努。貨產。給還其家。是月。朝邑。楚邱。濮陽。黃河。溢。固安州。清河。溢。任縣。沙澧。洛水。皆

溢。真定。廣平。廬州。等十一郡。雨傷稼。龍慶州。雨雹。大如雞卵。平地。深三尺。定州。唐河。溢。山崩。免河渠。營田。租餘

賑卹。有差。廣西。慶遠。徭酋。潘父。絹等。率眾來降。署簿尉等官。有差。八月丙辰。享太廟。丁巳。禁言。赦前事。

庚申。市牝馬。萬匹。取湏酒。庚午。倫中宮。金脊殿。辛未。繪帝師。帕克斯巴。舊倫八思巴。今改。像十一。頒各行省。俾

塑祀之。丁丑。帝至。自上都。罷浚。玉泉。山河役。癸未。秦州。成紀。縣。大雨。山崩。水溢。壅土。至來谷。河成。邱阜。

九月丙申。葺太祖神御殿。乙巳。昭聖元。獻皇后忌日。修佛事。飯僧萬人。癸丑。奉元。路。長安。縣。大雨。澧水。

湓延安路洛水湓。冬十月丁巳，監察御史王士元請早諭教太子，帝嘉納之。戊午，享太廟。庚申，命左右相日直禁中，有事則赴中書。己巳，雲南車里蠻爲寇，遣鄂爾多招諭之，其酋出降。壬申，安南國世子陳日爨遣使朝貢。眞州珠金沙河、吳江州諸河淤塞，詔有司傭民丁浚之。丁丑，封親王圖卜特穆爾爲懷王，賜金印。徙封雲南王旺沁舊倫王禪今改爲梁王，仍以其子特穆爾襲封雲南王。壬午，肇慶徭黃寶才等降。延安路饑，發義倉賑之。廣東道及武昌江夏縣饑，賑糶有差，以魯國大長公主女適懷王。十一月癸巳，遣兵部

員外郎宋本、吏部員外郎鄭立、阿魯輝、工部主事張成、太史院都事費著分調閩、海、兩廣、雲南、四川。選辛丑造金寶蓋，飾以七寶，貯佛舍利。甲辰，倫歇山鹿頂樓於上都。庚戌，招諭融州蠻。賑河間等路饑。十二月癸丑，以岑世興、黃勝許爲安遠大將軍，遙領漢洞軍。民安撫使世興仍來安路總管，勝許致仕。其子志熟襲上思州知州。乙卯，雲南徭阿吾及歪鬧爲寇，行省督兵捕之。庚申，同州地震，有聲如雷。癸亥，鹽官州海水溢，屢壞隄障，浸城郭。遣使祀海神，仍與有司視形勢所便，還請壘石爲塘。帝曰：築塘是重勞吾民也。其增石



囹捍禦 丙寅命翰林國史院纂修英宗顯宗實錄  
敕內外百官凡行朝賀等禮雨雪免朝服 辛未新佺  
棕殿成 己亥太白經天 曲赦重囚三十八人爲三  
宮祈福 夔路容米洞蠻田先什用等九洞爲寇四川  
行省遣使諭降五洞餘發兵捕之 太子賓客巴圖江  
浙行省平章鄂囉歡之次子也以疾辭職寓居高郵英  
宗命爲江南行臺御史大夫巴圖固辭詔以平章之祿  
歸養於家復賜鈔十萬緡所服藥須空青詔遣使江南  
訪求之巴圖辭謝曰臣曩膺重寄深懼弗稱況敢叨濫  
厚祿以受重賜乎并以所給平章之祿歸有司是歲還

京師奉朝廷知其貧賻鈔二萬五千貫御史奏益一萬  
貫仍還所辭祿妻鴻吉哩氏弗受曰始巴圖仕於朝不  
敢虛受廩祿今沒矣苟受是祿非其意也卒辭之 王  
克敬爲兩浙鹽運使司首減紹興民食鹽五千引溫州  
逮犯私鹽者以一婦人至怒曰豈有逮婦人千百里外  
與吏卒雜處者自今毋得逮婦人建議著爲令

泰定二年春正月乙未以畿甸不登罷春畋 禁后妃  
諸王駙馬母通星術之士非司天官不得妄言禍福  
敕御史臺選舉與中書合議以聞 中書省言江南民  
貧僧富諸寺觀田土非宋舊制竝累朝所賜者仍請如

舊制與民均役從之。以籍入巴斯吉斯地，賜故監察御史觀音保索約勒哈迪密實妻子各十頃。戊戌造象輦。西番參卜郎來降，賜其酋班木兒銀鈔幣帛。辛丑，懷王圖卜特穆爾出居於建康。甲辰，奉安顯宗像於永福寺，給祭田百頃。廣西山獠爲寇，命所在有司捕之。庚辰，詔諭宰臣曰：向者綽爾罕察苦魯及山後皆地震，內郡大小民饑，朕自卽位以來，惟太祖開創之艱，世祖混一之盛，與人民共享安樂，常懷祇懼，災沴之至，莫測其由，豈朕思慮有所不及，而事或僭差，故以此示儆，與卿等其與諸司集議，便民之事，其思自死罪。

始議定，以聞。朕將肆赦焉。賑肇慶等處饑。閏月壬

子朔，詔赦天下，除江淮創科包銀，免被災地差稅一年。

庚申，修野狐嶺色澤桑乾嶺道。乙丑，命整治屯田。

河南行省左丞姚煒請禁屯田吏蠶食屯戶，及勿務增

羨，以廢裕民之意，不報。丁卯，中書省言國用不足，請

罷不急之費，從之。己巳，修滹沱河堰。壬申，罷永興

銀場，聽民采鍊，以十分之二輸官。罷松江都水庸田使

司，命州縣正官領之，仍加兼知渠堰事。癸酉，佺棕毛

殿。丙子，浙西道廉訪司言四方代祀之使，棄公營私

多不誠潔，以是神不歆格，請慎擇之。山南廉訪使特

穆格請削降特克實所用驟陞官。己卯階州土蕃爲寇鞏昌縣帥府調兵禦之。山東廉訪使許師敬請頒族葬制禁用陰陽相地邪說。雄州歸信諸縣大雨河溢被災者萬一千六百五十戶賑鈔三萬錠。二月甲申祭先農。丙戌頒道經於天下名山宮殿。丁亥平伐苗率眾十萬來降士官三百六十人請朝湖廣行省請汰其眾還部以四十六人入覲從之。辛卯瓜哇國來獻方物。廣西徭潘寶陷柳城縣。己亥命西僧倫燒壇佛事於華延閣。封阿里密實爲和國公張珪爲蔡國公仍知經筵事以中書右丞善僧爲平章政事。

庚子姚煒以河水屢決請立行都水監於汴梁倣古法備捍仍命瀕河州縣正官皆兼知河防事從之。丙午造玉御牀。賑通鄆二州饑大都鳳翔諸路饑賑糶有差。三月癸丑修曹州濟陰縣河隄役民丁一萬八千五百人。甲寅禁捕天鷲。辛酉咸平府清河澶河合流失故道壞隄堰救蒙古軍千人及民丁修之。乙丑帝如上都。乙亥安南來貢方物。荆門州旱肇慶諸路饑賑之。監察御史策丹舊倫自當今改從帝至上都疏糾中書參知政事楊庭玉贓罪不報卽納印還京師帝遣使召復任夏四月策丹復上章劾庭玉罷職鞫訊竟如

所言又劾平章政事圖們岱爾入集賽之目英宗遇弑必預聞其謀帝不省而賜圖們岱爾帶策丹遂辭職改工部員外郎 丁亥伦吾殿 癸巳和市牝馬有駒者萬匹救宿衛駝馬散牧民間者歸官廩飼之 丁酉濮州鄆城縣言城西堯冢上有佛寺請徙之不報 丙午契夷及菟雁遮殺雲南行省所遣諭蠻使者救追捕之 丁未封后父和勒克察爾為威靖王 戊申以許師敬為中書左丞中政使馮亨為中書參知政事仍中政使 鞏昌路伏羌路大雨山崩 五月辛酉高麗國王王璋率璋之留京師也構萬卷堂於其邸招致闔復姚燧趙孟頫虞集等與之游處以攷究自娛時有鮮卑僧上言帝師帕克斯巴制蒙古字以利國家宜令天下立祠比孔子有詔公卿耆老會議國公楊安普力主其說璋謂安普曰師製字有功於國祀之自應古典何必比之孔氏孔氏百王之師其得通祀以德不以功後世恐有異論言雖不納聞者避之科舉之設璋嘗以姚燧之言白於仁宗及李孟執政遂奏行焉其端實自璋發也右丞相圖嚕罷帝欲以璋為相璋固辭曰臣小國藩宣之寄猶懼不任乞付於子況朝廷之上相哉敢以死請帝笑曰固知渠善避權也性好賢疾惡尤喜談宋事嘗

使僚佐讀東都事畧至王旦李沆富弼韓琦范仲淹歐陽修司馬光諸傳必舉手加額以致景慕至丁謂蔡京章惇等傳未嘗不切齒憤惋及是卒於京邸賜諡曰忠宣辛未遣察納使於周王和實拉丙子舒瑪爾節等以國用不足請裁廢馬汰衛士及節諸王濫賜從之浙西諸郡霖雨江湖水溢命江浙行省興役疏洩之置諫議書院於昌平縣祀唐劉蕡大都路檀州大水平地淡丈有五尺汴梁路十五縣河溢江陵路江溢六月己卯朔皇子生命巫被除於宮葺萬歲山殿廣西靜江徭爲寇宣慰使發兵討捕旣而柳州徭亦

謀變戍兵討斬之癸未潯州平南縣徭爲寇達嚕噶

齊圖堅都監姚泰亨死之丙申中書參知政事尊達

布哈舊倫左塔不花今改言大臣兼領軍衛前古所無特克實以

御史大夫額森特穆爾以知樞密院事皆領衛兵如虎

而翼故成逆謀今軍衛之職請勿以大臣領之庶勲舊

之家得以保全從之仍賜幣帛以旌其直丁酉敕廣

西守將捕靜江徭寇旋命湖廣行省督所屬捕柳州徭

息州民趙丑厮郭菩薩妖言彌勒佛當有天下有司


以聞命宗正府刑部樞密院御史臺及河南行省官雜

鞫之丁未立都水庸田使司浚吳松二江通州三

河縣大雨。水丈餘。潼川府綿江中江水溢入城郭。冀寧路汾水溢。秦州秦安山移。秋七月庚戌。遣阿實特祀宅神於北部行幄。甲寅。寧珠許師敬編類帝訓成。請於經筵進講。仍俾皇太子觀覽。命譯其書以進。丙辰。享太廟。播州蠻黎平夔等集羣夷爲寇。湖廣行省請兵討之。不許。詔播州宣撫使楊額勒布哈招諭之。戊午。遣使代祀龍虎武當二山。己未。置車里軍民總管府。以土人寒賽爲總管。佩金虎符。中書省言。往歲征猺廉訪使劾其濫殺。今凡出師。請廉訪司官一員蒞軍。糾正從之。癸亥。以許師敬及郎中邁閭兼經筵官。

廣西諸猺寇城邑。遣湖廣行省左丞奇珠。兵部尙書李大成。中書舍人邁閭。將兵二萬二千人討之。仍以諸王鄂爾多罕監其軍。庚午。以國用不足。罷書金字藏經。辛未。立河南行都水監。申禁漢人藏執兵仗。有軍籍者。出征則給之。還復歸於官。壬申。御史臺言。廉訪司蒞軍。非世祖舊制。賈胡鬻寶。西僧修佛事。所費不貲。於國無益。竝宜除罷。從之。敕太傅圖台。太保圖呼魯。日至禁中集議國事。敕山東州縣收養流民遺棄子女。是月。宗仁衛屯田隕霜殺禾。睢州河決。八月戊子。修上都香殿。辛卯。雲南白夷寇雲龍州。辛丑。敕

諸王私入京者勿供其所用諸部曲宿衛私入京者罪之  
衛輝路汲縣河溢



續資治通鑑卷第二百二

文化甲子



